


# JEZABEL NGA RELIHIYON

 Magpabilin kita sa pagtindog sa makadiyut lang, samtang magahalad kita sa Dios og mga pagpasalamat tungod niini. Iduko nato ang atong mga ulo.

Maloloy-on ug Balaan nga Amahang Dios, malipayon kaayo kami nga Ikaw mao—mao ang Dios, ug madali nga katabang sa panahon sa kalisdanan. Ginapasalamat Ka namo tungod sa Imong gibuhat para kanamo. Dili lang gyud namo arang maisaysay, gikan sa among mga kasingkasing, kung unsa nga nagpasalamat gyud kami niini, ug gisalbar Mo gayud kami sa dihang anaa kami sa kalisdanan. Nakat-onan namo, sa mga nangaging katuigan, nga magasalig gyud Kanimo ug nga magatoo Kanimo.

Ug ginaampo ko, niining hapon, Ginoo, nga igabubo Mo ang Imong mga panalangin sa niining mga tawo. Hinaut nga wala na’y usa ka tawong maluyahon sa among taliwala sa oras nga matapos na kining panerbisyo. Kung aduna ma’y usa dinhi nga dili pa matarung sa Dios, hinaut nga ang Gahum nga nagbanhaw kang Jesus gikan sa lubnganan, magahatag og kinabuhi sa ilang may-kamatayon nga mga lawas, Ginoo, ug sa ilang kalag, ug magpahibalik kanila nganha Kanimo. Itugot kini, Ginoo. Ang mga wala pa’y Balaang Espiritu, hinaut nga mao na kini ang mahimayaong adlaw nga dili nila mahikalimtan, ingon nga mao kini mismo ang adlaw nga igabubo sa Dios ang Iyang Espiritu nganha kanila. Itugot kini, Ginoo. Pasayloa ang among mga sala.

Ginaampo sàb namo nga panalanginan Mo si Igsoong Sullivan, ang among maloloy-on ug bililhong higala, ug ang iyang pagkahingawa alang sa mga tawo, aron mahatud kanila ang matag kahigayonan nga mahimo niya, para tabangan sila. Ginaampo ko nga panalanginan Mo si Igsoong Sullivan.

Panalangini sàb ang mga ministro sa tibuok nasud, sa tanang dapit. Ihatag kanila ang labing kadagaya, Ginoo. Hinaut nga mobarug sila nga maisogon diha sa pulpito ug ipahayag gayud ang Pulong sa Dios, ingon nga nagakinabuhi kami sa nagahinapos na nga mga oras sa kasaysayan niining kalibutana. Itugot nga malandongan kami sa Imong pagkamaayo sa niining mga panahona. Kay amo kining ginapangamuyo sa Ngalan ni Jesus. Amen.

Makalingkod na kamo.

Mapasalamaton kaayo ako kaninyo nga ania dinhi, og sa Dios usab, tungod niini. Giako mismo kini ni Igsoong Sullivan. Kita n’yo, sobra-sobra na siguro kining ginahimong pag-atiman ni Igsoong Sullivan, mao nga nangandam gyud tà para niini. Pero nagapasalamat gihapon kami tungod sa imong kaayo.

<sup>2</sup> Ug, karon, bahin sa—sa love offering, kini . . . dili man ninyo kinahanglan buhaton kana. Dili, dili na man unta kinahanglan. Kita n'yo, tungod . . . gibayran na man nila ang mga balayronon, ang sa hotel ug ang sa pagkaon, ang among mga nakaon, ug mao lang unta kadto ang kinahanglan. Pero salamat, gyud kaayo, ug hinoon ang maong offering mapaingon man kana para sa pagtabang sa pagpangmisyon ug para maagak ang mga tawo ngadto sa Dios. Dili kana gamiton para ipalit og unsa mang sigarilyo, unsa man nga whiskey, og unsa man nga dili-maayo, kondili mapaingon gyud kana para sa maayo nga butang. Ug ginaampo ko nga pagakuwentahon kini sa Dios alang kaninyo didto sa taas, ug pilo-piloon kana sa napulo ka libo, ang matag dolyares, o—o matag sentimos, o matag singko sentimos nga inyong gihatag para niini nga buluhaton.

<sup>3</sup> Ug, karon, buot kong pasalamatan pud ang United States Army tungod sa pagpagamit kanato niini nga bilding para matiguman, para mapahigayon kining mga buluhaton. Ginapasalamatan ko gayud sila sa tibuok kong kasingkasing.

<sup>4</sup> Ug sa nasabtan ko, miingon si Igsoong Sullivan nga ang tanan mabayran kono dayon. Hinoon wala pa man kami sukad mibiya sa usa ka siyudad, nga may utang pa bisan og usa ka sentimos, kondili nabayaran gyud tanan; wala gayud kami nagatoo sa dili pagbayad og utang. Kinahanglan wala gyud ka'y utang sa kang kinsa man, kinahanglan matinuuron ug masaligan gyud ka. Ug kung aduna ka'y utang sa kang kinsa man, nan atubanga sila ug sultihi sila nga duna ka'y utang sa ilaha, pero kon mahimo hatagan lang sa ka og diyutay'ng panahon, ug bayaran mo gayud ang maong utang. Kita n'yo? Sa kanunay, kana ang mas maayong . . . Usa kana ka ilhanan sa pagka-Cristohanon: ang pagka-matinuuron, og matarung.

<sup>5</sup> Nagatinguha ka nga magkinabuhi gayud kung unsa ang ginasulti mo. Kay kung wala mo kana ginakinabuhi mismo, nan malauman ba diay nimo ang si kinsa pa man nga ikinabuhi kana, nakita n'yo. Busa kamo ang mga sinulat nga sulat, nga ginabasa sa tanang mga tawo, mao nga magmatinuuron kamo sa kanunay, matarung, og tinuod. Isulti n'yo ang tinuod, bisan unsa pa kini ka makapasakit. Isulti n'yo gayud ang tinuod, bisan pa man, tungod kay sa kanunay mahimo man ninyong isulti kana sa mao ra nga paagi sa tanang higayon. Ug kung mamakak kamo, mahitipas man kamo og usa ka milyon ang kalay-on, pero mobalik gihapon kamo niana nga bakak pag-usab; ug gihimo n'yo hinoon ang makalilisang nga butang. Mao nga magmatinuuron lang gyud, ug mahimo ninyong isulti kana sa mao ra nga paagi tungod kay kamatuoran man kana.

<sup>6</sup> Ingon niana usab sa Biblia. Isulti n'yo lang kini sumala mismo sa pagkasulti niini sa Biblia, ayaw kamo pagpakigkompromiso, isulti n'yo kini sa mao mismo nga paagi, sumala . . . sa pagkasulat niini dinhi ug—ug mahimo n'yong

ipunting ang inyong tudlo ngadto niini. Kini'y—kini'y...sa ingon-anang paagi n'yo mabuntog si Satanas. Ngani miingon si Satanas kang Jesus, “Kung Ikaw ang Anak sa Dios, nan patanaw nga nagabuhat Ka og milagro. Ginaingon nila nga Ikaw kono ‘usa ka tigpamuhat og milagro.’ Himoang tinapay kining mga bato, ug tan-awon tà. Gigutom Ka man.”

<sup>7</sup> Ang ingon Niya, “Apan nahisulat na, ang Tawo dili mabuhi sa tinapay lamang.” Kita n'yo? Giaplikar Niya ang Pulong sa Amahan ug gibuntog ang yawa, diha sa iya mismong teritoryo. Busa mahimo n'yo usab ang mao gihapong butang, nga buntogon ang yawa diha sa iyang teritoryo, pinaagi sa Pulong sa Ginoo.

<sup>8</sup> Bueno, mapasalamaton gyud ko kang Igsoong Sullivan sa kanunay. Kini mao...Pasensya na niini nga pahayag: Sa tan-aw ko nga kaniadtong gilalang si Igsoong Sullivan mora'g gilabay dayon sa Dios ang maong hulmahan. Wala man gu'y sama kaniya. Ngani may usa lamang ka tawo nga akong naila sa tibuok kong kinabuhi nga makapahinumtum kanako mahitungod kang Igsoong Sullivan, kadto mao si E. Howard Cadle. Wala lang ko kabalo kung kaila ba siya kaniya o wala, nga taga—taga...si Igsoong Cadle usa pud siya ka buotan nga banwahanong-tawo sama ni Igsoong Sullivan. Ug isuksok niya pag-ayo ang iyang mga kamot sulod sa iyang mga bursa hangtud nga mabinat na kaayo ang iyang mga suspender, ug pag nagaistorya siya nakatakilid pud ang iyang ulo, ug siya'y usa gayud ka E. Howard Cadle. Ug mao nga ako—malipayon kaayo ko nga makauban si Igsoong Sullivan ingon nga usa ka higala ug usa ka igsoon sa Ebanghelyo. Ug ginaampo ko nga ang Dios magapanalangin kaniya ug sa iyang gamay'ng iglesia dinhi, sa iyang minahal nga asawa, og sa iyang mga mahal sa kinabuhi.

<sup>9</sup> Ug sa inyo sàb, nga uban pang mga ministro nga ania karon, sa inyo ug sa inyong kongregasyon, sa mga magwawali pud sa Full Gospel, tingali'g dili kita magkauyon sa usa'g usa bahin sa gagmay'ng pang-teknikal nga mga butang sa Kasulatan. Ngani ako dili man ko uyon sa akong asawa bahin sa pipila ka butang. Ug kabalo ba mo kung bahin sa unsa kana? Apple pie ang ganahan niya ug cherry sàb ang akong ganahan, busa dili kami magkauyon. Ug sultihan ko kamo kung unsay ginabuhat ko: ganahan ko og lamian nga init-init pa nga hiwa sa cherry pie (ngani mahimo kong kaonon kana dayon) ug pahiran og mantekilya ang ibabaw niana, ug dayon buboan pud og molasses ang ibabaw niana; ug, igsoon, aduna ka na'y pagkaon nga pagkalami kaonon! Pero dili gusto niana ang akong asawa. Sa hunahuna ko mora'g ginalikayan niya ang mga kaloriya. Tingali'g gusto niya unta kana, pero kabalo na man mo kung unsa ang mga kababayen-an, dili nila gustong... Ngani sila'y ingon na kaniwang nga mahimo mong tusokon sila og pukpok ug mora'g molusot na dayon sa ilang bukog, pero bisan pa niana gusto pa gihapon nilang—gusto pa gihapon

nilang magpaniwang. Mao na kana ang ilang kinaiyahan, siguro, busa dunay. . . Ug, pero kadto gyud ang akong ganahan. Karon, tingali'g dili pud kita magkauyon bahin niana, pero sa ubang butang magkauyon man tà. Ug, nakita n'yo, dili gyud kita bug-os nga magkauyon. Bueno mao ra nga butang ang atong makita, mga igsoon, pero ang pinakamahinungdanong butang, nagakaon kita og pie, mao kana ang pinakamahinungdanong butang.

<sup>10</sup> Ilabina, bahin sa bautismo sa Balaang Espiritu, ug sa pag-abot ni Cristo, ug sa bantugang pang-ebanghelyo, og pundamental nga mga doktrina sa Biblia, nagabarug gayud kita nga magkadapig bahin niana. Ingon nga usa ka dakung nahiusa nga mga kaigsoonan, nga walay pang-denominasyon nga babag, walay unsa man nga nagababag kanato, nagamartsa kita paingon sa Kalbaryo ingon nga usa ka dakung kasundalohan, nga magkauban.

<sup>11</sup> Ngani kung aduna ko'y unsa man nga matabang kaninyo, malipay gyud ako nga buhaton kana. Ug sigurado ko nga mao ra usab ang igasulti n'yo kanako. Ug makatabang man gyud mo kanako. Ug ang usa ka butang nga mahimo ninyo, nga nahibaloan ko, mao ang iampo ako, nga dili itugot sa Dios nga mapaingon ako sa sayup. Ako—ako—ako. . . Wala gyud sa akong kasingkasing nga mapaingon sa sayup, ako—ginatinguha ko gayud nga mapaingon sa husto, ginatinguha kong buhaton ang husto. Tungod kay naamgo ko, sama sa gisulti kanako ni Igsoong Jack Moore usa ka higayon, ingon siya, “Igsoong Branham, dili gyud nako tinguhaon nga maanaa sa imong kahimtang uban ang tanan mong mga kasinatian, tungod nga didto sa Adlaw sa Paghukom, papanubagon man ka og daku sa Dios,” miingon, “tungod kay gitugyan man Niya ang minilyon ka mga tawo diha sa imong mga kamot.”

<sup>12</sup> Mao nga, kung nasayod ako nga mobarug ako didto ug manubag tungod sa maong mga tawo, kung ingon-ana unsa man nga matang sa Ebanghelyo ang kinahanglan kong iwali? Unsa nga matang sa pagkasinero, ingon nga ginahawiran ko nganhi sa akong mga kamot ang mga gipalit na sa Iyang Dugo? Ug ingon nga naghatag Siya kanako og gasa para. . . sa wala gayu'y pagduhaduha, ang si kinsa mang salabutanon nga tawo nasayod mismo nga sigurado gayud nga sa Dios kini naggikan. Ug pinaagi niana, kung agakon ko ang si kinsa man sa sayup nga dalanon tungod lang kay may usa ka grupo nga nagsulti og ingon niini, nan papanubagon gyud ko sa Dios tungod niana sa Adlaw sa Paghukom.

<sup>13</sup> Apan sa dihang nakita ko kadtong panan-awon, didto dili pa lang dugay, ug nadungog kadto nga mga tawo nga misinggit. . . Nadawat na ba ninyo ang inyong libro kagabii? Ang—ang *Business Men's Voice*. Maayo. Ug sa panan-awon. . . Sa umaabot nga panahon ipa-imprinta ra nato ang tibuok detalye niana; dili pa man gud kana kumpleto. Pero sa maong panan-awon,

sa pagkakita ko niadto, ug nagtindog ko didto sama lang—sama lang nga nagatindog ko karon mismo. Ug ginatan-aw ko ang akong kaugalingon nga naghigda didto sa katre, nga ginatan-aw ko ang akong asawa, ug sa gihapon nagtindog ko didto nga ginatan-aw mismo ang akong kaugalingon. Ug atua kadtong mga tawo nga nagatindog sa palibot nga nakaingon niana sa dihang miingon ko, “Kinahanglan pud bang hukman si Pablo tungod sa Ebanghelyo nga iyang giwali?”

14 Miingon, “Oo.”

15 Miingon ko, “Giwali ko man ang matag Pulong nga ingon ka eksakto gayud sa iyang giwali.”

16 Ug ang minilyon misinggit, “Nakasalig kami Niana!”

17 Ingon niana ang ginatinguha kong mahitabo pag molabang na ko didto, kita n’yo. Ginatinguha ko ang ingon niana, ang sama niana, kung unsa mismo ang gisulti ni Pablo. Dili ko ginatinguha nga magdugang og usa ka butang ngadto Niini, ni magtaktak man og usa ka butang gikan Niini. Kondili kung unsa gayud ang gisulti sa Biblia, ingon niana mismo ang ginatinguha ko nga ipapadayon kini, nakita n’yo. Ug siyempre, ipapabilin n’yo kini nga ingon niana, bisan pa ang mga denominasyon sa tanang bahin magpatungha og babag batok Niini.

18 Ug usab, makadaghan nang higayon, nga ginahunahuna sa mga kaigsoonan nga batok kono ako sa mga igsoon ko. Nasayod mismo ang Dios nga dili gyud ingon niana, tungod hingsayran man Niya ang tinuod. Kita n’yo? Dili Kini pagbatok sa mga kaigsoonan, kondili ang sistema man ang nakapahimo kanato nga mora’g dili mga igsoon. Dili ang Pulong sa Dios ang nagababag kanato sa pagkahimong mga igsoon, kondili ang sistema nga atong gipasakopan ang nagababag kanato sa pagkahimong mga igsoon. Tinuod. Busa, hain man kita angay’ng mobarug? Mobarug gyud ta sa Pulong, ug ang Dios na ang magadani sa tanang mga tawo ngadto Niini (tinuod) ngadto—ngadto niana. Ayaw n’yo kini iorganisa, ni himoon kining denominasyon, kondili ipapabilin lamang kini diha sa Dios, ug magpadayon lang; nga nagalantaw sa katapusan, og manghawid nga lig-on gayud, ingon nga ang Dios na ang magadala sa tanang uban pa.

19 Daghan na kaayong mga butang ang gibuhat n’yo para kanako, nga ginapasalamatan ko gayud. Mao nga kung may matabang man ko sa inyo, pinaagi sa paghatag kaninyo og prayer cloth o unsa man. Bueno, ayaw lang ko ninyo pangutan-a bahin sa doktrina, tungod kay ako—dili ko tinguha nga buhaton kana. Daghang mga tawo ang nagapadala sa ako og mga pangutana mahitungod sa kaminyoon ug panagbulag ug uban pa, nga problema gayud sa iglesia. Ginatubag ko sila pirmi ug moingon ko, “Pangutan-a n’yo ang inyong pastor.”

<sup>20</sup> May mga tawo sàb nga nagpadala sa ako og mga sulat dinhi ug moingon, “Unsa man ang *ingon-ani?* Ug unsa man sàb ang *ingon-ana?*” Gibalik ko ang maong sulat, madawat man ninyo kana. Konsultaha n’yo ang inyong pastor bahin sa mga gagmay’ng butang tungod kay, hinoon, siya man ang inyong magbalantay. Siya—siya ang—siya mao ang gipadala sa Dios aron sa pagbantay kaninyo. Ug tingali’g dili kami magkauyon bahin niana, ug basin maghinungdan na hinoon kana og pagkalibog sa inyong iglesia. Dili nato gusto ang ingon niana. Dili! Dili gyud! Ang ginatinguha nato nga mohunong na kamo sa pagbuhat og mga butang nga makasasala, mga butang nga dili uyon sa Biblia, ug magpadayon lamang paingon sa Dios. Kita n’yo? Ug kung maghinungdan ka og gamay’ng mga panagbangi ug mga ingon nianang butang, magkagubot gyud ang iglesia tungod niana. Busa, mas gustohon ko nga ang inyong pastor ang magpahayag kaninyo mahitungod sa kaminyoon ug panagbulag, ug sa mga *ingon-aning* butang, ug mga *ingon-anang* butang, siya na ang magpahayag niana. Siya’y alagad usab sa Dios, ug nasangkapan gyud siya para buhaton kana.

<sup>21</sup> Nahinumduman n’yo ba kadtong buotan nga Samaritanhon nga nakakita niadtong lalaki nga samaran? Gidala niya ang maong lalaki ngadto sa balay-abutanan (ang iglesia kadto) ug gihatagan ang tawong tigbantay didto og dos sentimos, ug giingnan siya nga kung magkinahanglan siya og dugang pa nan bayaran niya siya inig balik niya. Busa, adunay dos sentimos ang tawong tigbantay, og mahimo niyang patambalan kamo kung usa siya ka tawo sa Dios. Kung usa siya ka tawo sa Dios nga nagabarug sa Pulong sa Dios, nan iyang—iyang nadawat ang gikahatag kaniya sa Dios: ang Espiritu ug ang Pulong. Husto ba? Sa unsa mang paagi kita angay’ng magsimba? Sa Espiritu *ug* sa Kamatuoran. Ug ang Pulong man mao ang Kamatuoran. Husto ba?

<sup>22</sup> Bueno, salamat kaayo, pag-usab. Ug karon, gikapoy kaayo ko, ug gikapoy gayud niining hapon, mao nga dili na gyud ko gusto nga moistar pa sa usa ka hotel samtang buhi pa ako. Duna man gu’y dakung party sa paghuboghubog didto, sa tibuok gabii, nga ginalamba ang mga pultahan ug nagasinggit-singgit sila, ug mga kababayan-an pa gyud. . . Oh! Nagmata ra gud ko, tibuok gabii. Mao gayud. Ug mao nga ako—dili na ko gusto nga moistar pa sa usa ka hotel. Mag-motel na lang ko. Mahimo pud nga mopalit na lang ko og trak aron nga didto ko matulog, didto sa kaumahan sa kon asa man. Mopalit na lang ko, mopalit ko og tolda ug baga nga hapin nga matulogan, o sa kon asa man diin maka-inusara ako, sa usa ka dapit. Tinuod kana.

<sup>23</sup> Makasasala na kaayo, kining nasura, dili ikatingala! Napuno na og mga bangag, ug dunot na gyud hangtud sa kinauyokan niini. Dinhi sa usa pa ka lugar, sa inyong estado. . . Dili lang niini nga estado, kondili sa tanang dapit gayud. Dinhi mismo, pipila

na ka tuig ang milabay, mitambong ako sa—sa usa ka pang-relihiyon nga panagtigum dinhi sa estado, sa usa ka dakung siyudad. Ug niadtong gabhiona may usa pud ka relihiyoso nga grupo, usa ka iglesiang orthodox kauban ang mga kabatan-onan, ang nagpahigayon og usa ka konbensyon. Ako—wala pa ako. . . Nakaadto na ako sa Africa og nakasaksi na og voodoo ug tanan na, ngani wala pa ko sukad nakadungog og unsa man nga sama niadto. Ug pagkasunod buntag, (dili ko mahimong isulti gyud mismo, tungod nagkasagol man gud ang mga mananambong). . . atua sa pasilyo, ang dautang mga butang nga gipangbuhat didto, nagkatag sa palibot ang mga botelya sa whiskey. Ug kadtong mga kabatan-onan, nga mga ulitawo ug mga dalaga atua mismo sulod sa usa ka lawak og tibuok gabii, nga magkauban. Ug pagkasunod buntag, ang “balaang padre” nagalingkod didto, ug nangduol sila og nanagyukbo kaniya nga nakaingon *niana*. Ilalum sa Ngalan ni Jesus Cristo!

<sup>24</sup> Nabuang na ba ko? Unsa—unsa ba’y nahitabo kanako? Dili ko gayud maagwanta ang ingon niana nga mga butang! Kadto. . . may sa kung unsang butang nga mora’g nagawatas-watas kanako pag makita ko ang mga ingon niana. Ingon niana ba ang magarepresentar sa akong Ginoong Jesus? Paghuboghubog, imoral nga pagparty-party lakip na ang imoral nga mga butang nga. . . gigamit niadtong mga batan-ong lalaki ug mga babaye, nga nagkatag didto sa mga salog ug sa mga basurahan, ug ang mga botelya ug. . . Oh, my, grabe! Matawag ba ninyo kana og pagka-Cristohanon? Dili ikatingala nga ang kalibutan anaa na gyud sa makasasala kaayo nga kahimtang. Bueno, unsa kaha’y masulti sa makasasala pag motan-aw siya niadto? Linibo kanila.

<sup>25</sup> Kadtong mga batan-ong babaye nangahubog na kaayo nga dili na gani sila halos makatindog, ug atua pa gyud sulod sa lawak kauban niadtong mga ulitawo, ug nanagsulti sila’g pinaka malaw-ay nga pamulong nga wala pa ninyo nadungog sukad-sukad sa inyong kinabuhi. Gitabon ko gayud sa akong ulo ang mga unlan nga nakaingon *niini*, aron lang makatulog. Atua sila sa mga pasilyo, nga hubog na daan, ug nagadagan ngadto-nganhi sa pasilyo nga nakaingon niana, mga relihiyoso baya kono!

<sup>26</sup> Karon, malauman ko hinoon kining mga makasasala nga tawo, bueno, nga nagapatawag sa ilang mga kaugalingon nga mga magdudula, dinhi sa dulaanan og bowling. Kung ang usa sa akong mga anak moadto sa dulaanan og bowling, palayason ko gayud siya pagawas niining lugara. Uh-huh. Ginatawag nila kana nga kalingawan, pero dili gyud kana kalingawan. Unsa man kini. . . Kung gusto ninyo nga maihusto, nan magpatul-id kamo sa Dios. Tinuod.

<sup>27</sup> Gusto kong mobasa para kaninyo, og pipila ka mga pulong gikan sa Biblia. Makita n’yo kining pipila ka mga pulong nga

gusto kong basahon dinhi ingon nga teksto, makita kini sa ika-17 nga kapitulo sa Unang Mga Hari, unang bersekulo.

*. . . Ingon nga buhi ang GINOONG Dios sa Israel, sa kang kinsang atubangan ako nagatindog, walay tun-og bisan ulan niini nga mga tuiga, . . . sumala sa akong pulong.*

Unang Mga Hari, unang kap-. . . ika-17 nga kapitulo, unang bersekulo.

<sup>28</sup> Kung gusto ninyo nga mapadalhan ko kamo og prayer cloth, sa unsa mang higayon, padalhi lang ko ninyo og sulat; ania man ang akong sekretaryo, ania karon, si Igsoong Maguire. Pila man sa inyo ang nakadawat na og prayer cloth gikan kanamo? Patan-aw sa inyong kamot. Tindog sa, Igsoong Jim. Gusto kong ipakita sa . . . ikaw, ug ang imong asawa usab. Ania ang akong sekretaryo ug ang iyang asawa, nga mao'y mga nagabuhat, nga nagapadala . . . Kana mao ang lalaki ug babaye nga nagapadala sa inyo og mga prayer cloth gikan sa panagtigum, pareho sila nga napahinungod na nga mga Cristohanon. Ug ang tingog, kanang gamay'ng malumo nga tingog nga inyong madungog sa telepono pag motawag kamo sa ako, iya kanang tingog nianang gamay'ng gining nga nagalingkod dinha, ang iyang asawa. Ang iyang amahan ug inahan, ug ania, sila uban kanato karon; ug—ug ang ilang mga mahal sa kinabuhi, ania mismo sa palibot. Busa . . . Ug kaila na man mo sa akong sekretaryo sa natad sa pagpangmision, si Mr. Mercier, si Igsoong Leo Mercier, ania siya sa kon asa man, ug si Igsoong Gene Goad. Ug busa kung gusto ninyo nga mapadalhan namo kamo og prayer cloth, sa unsa mang higayon, unsa mang butang nga mahimo namo, maiampo kamo diha sa telepono; o unsa mang butang nga mahimo namo, buhaton namo kana.

<sup>29</sup> Kining tawo nga talagsaon og hitsura nga may dala og sungkod sa iyang kamot, diretso ang iyang mga lakang, ang iyang mga mata nagadan-ag diha sa Himaya sa Dios, nga ginahangin ang iyang balbas, usa ka balhiboon nga panit sa karnero ang iyang gikupo, nagatikang siya nga ingon gayud ka lig-on samtang nagpaingon siya sa Samaria. Dili siya maayo kaayo og hitsura, apan anaa kaniya ang MAO KINI ANG GINAINGON SA GINOO para sa bantugang nasud sa Israel. Oo, si Elias nga Thisbinhon, nga usa ka propeta sa Ginoo. Dili siya maayo kaayo og hitsura, pero anaa kaniya ang Pulong sa Ginoo.

<sup>30</sup> Wala siya nahadlok nga mobarug sa atubangan sa hari, tungod kay gikan man siya sa Presensiya sa mas gamhanan pa sa hari, gikan na siya sa Presensiya ni Jehovah. Busa, nasayod siya kon asa gyud siya nagabarug. Ug sa dihang miduol na siya sa atubangan sa hari wala siya nagbungabunga ug nagnganga, ingon nga nasayod gyud siya sa iyang ginasulti. Nahimo niya nga sultihan ang hari, "MAO KINI ANG GINAINGON SA GINOONG DIOS SA ISRAEL, 'Dili gyud magkaaduna og ulan



ni tun-og man hangtud nga igasulti ko kini.” Nganong nasulti man niya kadto, “Hangtud nga igasulti ko kini. Sumala sa *akong* pulong”? Tungod kay anaa man kaniya ang Pulong sa Ginoo, usa siya ka propeta, ug ang propeta anaa kaniya ang Pulong sa Ginoo.

<sup>31</sup> Makapakurat gayud nga makita ang pagkapareho sa Israel sa Daang Tugon ug sa Amerika karon. Pareho silang mga bantugan nga nasud. Pareho sila nga natukod, ug nahidangat didto ang ilang katawhan, tungod sa pang-relihiyon nga pagpanglutos.

<sup>32</sup> Gilutos man ni Faraon ang Israel kaniadto ug dugay nga naanaa sa pagkaulipon sulod sa gatusan ka mga tuig, kon diin gihikawan sila nga mosimba sa tinuod ug buhi nga Dios, ug gihikawan niadto nga prebilibiyo; ug nahimo sila nga mga ulipon. Apan nagsaad man ang Dios kanila diha sa Iyang Biblia, o sa Iyang Pulong, ug pinaagi sa Iyang mga propeta, nga pagahatagan Niya sila og usa ka yuta. Ug tuod man miabot sila niadto nga yuta ug gipalagpot ang mga lumolupyong niadtong yutaa, ug gipanag-iya mismo ang ilang panulondon, tungod ang Dios aduna ma’y katuyoan sa pagbuhat niadto.

<sup>33</sup> Ug mao man usab niining atong bantugan nga nasud. Nangabot kita dinhi, ug sa Plymouth Rock natukod kini nga nasud nga may kagawasan sa relihiyon tungod kay ang atong mga unang amahan mikalagiw man gikan sa pagpanglutos sa mga Romano sa moderno nga sistemang Jezabel, ug nangabot dinhi ug nagsagubang sa daghan og dakung pagpanglutos ug pagpang-martir ilalum sa mini nga sistema nga iya ni Jezabel. Ug sumala sa Biblia, sa Pinadayag, sa ika-13 nga kapitulo, nagsaad ang Dios kanila og usa ka oasis, ug usa ka dapit, kay ang babaye gidala man ngadto sa kamingawan kon diin siya gipakaon sulod sa usa ka panahon, sa panahon, ug katunga sa panahon. Ang Dios nagsaad pud sa Amerika, o sa iglesia (sa babaye), nga mahiabot siya dinhi niini nga nasud.

<sup>34</sup> Inyo bang nahimatikdan sa Pinadayag 13? Ang tanang uban pa nga mga mapintas nga mananap migimaw gikan sa dagat, sa mga tubig; sa Pinadayag 17:17, ang ingon, “Ang mga tubig nga hingkit-an mo mao ang mabagang panon sa mga tawo.” Ang tanang uban pa nga mga mapintas nga mananap, migimaw sila gikan sa tubig, sa mabagang panon sa mga tawo. Apan sa dihang migimaw ang Estados Unidos, “Migimaw kini gikan sa yuta kon diin walay mga tawo.” Ug hinumdumi n’yo, sa dihang migimaw kini, mora kini og usa ka gamay’ng cordero.

<sup>35</sup> Bueno, ang maong cordero adunay duha ka sungay, ug kana mao ang sibil ug pang-simbahan nga mga gahum. Apan sa dihang naghiusa na ang mga niini, hinumdumi n’yo, pagkahuman ang cordero nanulti nga sama na sa dragon nga nag-una kaniya; ug ang dragon mao man ang Roma.

<sup>36</sup> Sa dihang mitindog ang dragon sa atubangan sa babaye aron lamyon ang iyang anak sa diha nga kini igaanak na, ang mapula nga dragon. . . Kinsa man ang mitindog sa atubangan sa babayeng Israel, aron lamyon ang Bata sa diha nga Kini igaanak na, ug nagpahamtang og usa ka paglutos ug gipangpatay ang tanang mga bata gikan sa duha ka tuig ang panuigon paubos? “Ang Roma, ang dragon, mitindog sa atubangan sa babaye aron lamyon ang iyang anak sa diha nga kini igaanak na.”

<sup>37</sup> Ug bueno, hingsayran nato, nga kining nasura mitungha ingon nga usa ka gawasnong nga nasud, ug nga. . . adunay cordero, nga nagakahulogan og ang Cordero sa Dios. Apan, wala magdugay, kining mao ra nga sistema nga aduna kita, misulti nga sama na sa dragon ug gigamit ang tanang gahum sa dragon nga nag-una kaniya.

<sup>38</sup> Bug-os gayud, nga magkapareho sila, sa usa’g usa. Ug hinumdumi nga sa dihang kining mga. . . Nakabalik na ang Israel ug giangkong ang iyang kaugalingong-yuta ug ang Palestina, gipalagpot ang tanang mga lumolupyo niadtong yutaa ug gipanag-iyang ang maong yuta. Nangabot sab kita dinhi ug giangkong kini gikan sa mga Indian, gipalagpot sila ug gipanag-iyang ang yuta. Aduna man gu’y katuyoan ang Dios para niana. Igapakita sa Dios ngadto sa kalibutan kung unsa ang mahimo Niyang buhaton sa usa—usa ka gamay’ng grupo sa mga tawo nga nagtinguha og kagawasan, ug kagawasan sa relihiyon, aron sa pag-alagad sa Dios.

<sup>39</sup> Unsa ma’y gihimo para sa Israel? Gihimo Niya ang Israel nga pinakagamhanang nasud sa kalibutan, ug nagpabilin siya nga ingon niana hangtud nga migawas siya sa kabubut-on sa Dios. Unsa man pu’y gibuhat Niya sa Amerika? Gihimo niya kining pinakagamhanan nga nasud sa kalibutan hangtud nga nahigawas pud kini sa kabubut-on sa Dios. Magkapareho mismo, sa usa’g usa, eksakto gayud.

<sup>40</sup> Sa dihang midangat ang Israel didto sa maong yuta, sila’y usa—usa ka halangdon nga katawohan tungod aduna ma’y mga halangdon nga nagapanguna kanila. Aduna sila’y mga kalalakin-an nga may kahadlok sa Dios nga nagapanguna kanila, sama ni David, og Haring Solomon. Gikahadlokang sila sa tibuok kalibutan, ug natagamtaman nila ang pribilihiyo nga walay mga gubat, walay mga kalisdanan, ug nagakinabuhi ilalum sa gahum sa Dios, hangtud nga ang mga tawo sa tibuok kalibutan nangadto didto aron makita sila. Gihatagan sila sa Dios og gasa sa pagpang-ila, nga atua kang Solomon. Ngani ang reyna sa Habagatan, nga gikan pa sa. . . ang reyna sa Sheba milatas pa sa tibuok Disyerto sa Sahara (miabot siya og tulo ka bulan) aron lang sa pagpatalinghug sa kaalam ni Solomon. Ug sa diha nga nasaksihan niya nga mahimo ni Solomon nga moila og mga espiritu, ug gipahayag kaniya ang mga tinago sa iyang kasingkasing, miingon siya, “Ang tanan

kong nadungog mahitugod kanimo tinuod gayud, ug labaw pa niana.” Kumbinsido gyud siya nga ang Dios kadto.

<sup>41</sup> Ug ang Amerika, sumala sa atong mga unang amahan nga nangabot dinhi para sa kagawasan sa relihiyon. . . Aduna man kita’y diosnong mga kalalakin-an niadtong mga panahona, ingon nga mga lider: sila ni George Washington, Abraham Lincoln, inila nga mga kalalakin-an nga may maayong kinaiya, mga kalalakin-an sa Dios. Amerika pa ang Amerika, niadtong mga panahona.

<sup>42</sup> Si George Washington, didto sa Valley Forge, adisir siya mitabok sa Delaware, nag-ampo sa siya sa tibuok gabii, hangtud nga nahumod siya og ayo hangtud sa iyang hawakan, samtang nagaluhod sa niyebe. Ug pagkasunod buntag kaniadtong misugod na sa pagtabok ang mga Amerikano, mga baynte porsyento lang kanila ang dunay sul-ob nga sapatos, ang Amerikanong Kasundalohan. Apan tungod aduna sila’y prinsipyo, og may butang kanila para ilang pakig-awayan. Dili igsapayan kanila kung unsa man ang moabot o mahitabo. Nangabot ang mga mag-uuma, mihunong sa iyang pagdaro ug gihiklin ang iyang baka, ug gikuha ang iyang riple ug miadto didto aron makig-away para sa nahibaloan niya nga kagawasan. Ug pagkasunod adlaw niadto, sa nahibaloan ko, may upat o lima ka buslot tungod sa igo sa bala, mga bala sa riple, ang milusot sa iyang kupo ug kalo pero wala man lang siya nadutlan.

<sup>43</sup> Mga kalalakin-an sa Dios, nga mao’y nagtukod niini nga nasud, halangdon nga mga kalalakin-an! Dili ikatingala nga nasulat nila:

Hinaut nga ang atong nasud molungtad nga  
magadan-ag  
Sa balaang kahayag sa kagawasan,  
Panalipdi kami sa Imong gahum,  
Gamhanan nga Dios, nga among Hari!

<sup>44</sup> Usa ka higayon kaniadto, naistorya ko ang usa ka tigulang nga lalaki didto sa Corydon, Indiana. Gisultihan niya ako mahitungod sa kaniadtong panahon nga ang kapitolyo anaa pa sa Corydon, ug kung sa unsang paagi siya. . . ingon niya nga miadto kono siya didto sakay sa usa ka carro’ng baka aron mapatalinghugan ang—ang gobernador nga namulong. Ug sila lang kono duha sa gobernador ang nakasul-ob og terno, nga, amerikana. Ingon pa nga siya kono ang nag-atiman sa mga karnero ug nag-alut sa mga balhibo niadto, ug naghugas sa ilang mga balhibo, ang iyang mga igsoong babaye pud kono ang nagkalinyas sa mga balhibo ug gihimoan siya og amerikana nga mobagay sa iyang karsones. Ug nagalingkod didto ang tigulang lalaki, nga kaniadto mga otsenta’y-singko o nubenta anyos ang panuigon, gihapuhap niya ang iyang balbas nga

nakaingon *niana*, ug ingon siya, “Billy, mao kadto ang panahon nga *Amerikee* pa ang *Amerikee*.”

<sup>45</sup> Mitan-aw ko sa tigulang lalaki, ug sa hunahuna ko, “Aba, imong, daghan sa niining mga kabatan-onan ang dili motoo niana, pero gisulti mo gayud ang tinuod.”

<sup>46</sup> Unsa ma’y nahitabo sa Israel human niadtong tanan nga diosnong kaagi? Misugod sila nga wala na’y pakabana. Hinay-hinay silang miabot sa punto kon diin sila, bueno, dili igsapayan kanila kung unsa ang nagakahitabo. Hinayhinay silang nagkaluya sa ilang pagsimba sa Dios, hinoon aduna sila og porma sa relihiyon nga sama sa atoa. Aduna sila’y dagway sa pagkadiosnon. Apan hinayhinay man silang nagpasagad sa ilang katawhan, ug—ug misugod na silang magdala og nagkadaiya nga mga laing-tinoohan sulod sa ilang iglesia. Ang pagsimba kang Baalim hinayhinay nga nagasulod, ug ang Israel nahimo nang buang sa kalipayan, paghubog-hubog, ug mga ingon nianang butang, ug sa katapusan nagpili sila og usa ka lider nga wala makaila sa Dios; si Ahab, nga mao’y mipuli sa iyang amahan. Ug ang iyang amahan usa ka dautan nga tawo, dato nga tawo, pero usa ka dautan. Ug nabuhat niya ang tanang mga sala, nga labaw pa sa nabuhat sa mga nag-una kaniya. Pero ang Israel, tungod sa ilang pagkahubog hangtud nga nawad-an na sila’g panimuot, nagpahimutang sila og usa ka lalaki nga sama niadto, ug gipahimutang siya sa trono para mao’y mangulo kanila. Nanagdahum sila nga okey ra kadto, sama lang sa ginabuhat sa daghang mga Amerikano karon, “Siya’y maayo man nga pulitiko, busa unsa ma’y kalahian niana? Wala kana’y diperensya, tungod kay maayo man siya nga pulitiko.”

<sup>47</sup> Ngani daghang mga Amerikano, daghan kaayo kanila, nga gibaligya na ang ilang katungod sa pagkapanganay, ingon nga Amerikano, ug moingon ra, “Unsa ma’y kalahian niana, basta nagadawat ka lang og pipila ka dugang nga dolyares gikan sa gobyerno ug mabuhi?” Gibaligya nila ang ilang kaugalingon tungod sa ilang tiyan, ug tungod sa mga kailibgon ug pangibog sa usa ka makasasala nga kalibutan, ug nahikalimtan na ang mismong katuyoan kung ngano nga midunggo kita sa Plymouth Rock. Gikalimtan na nila ang atong kapanalundanan, ug nagbagdoy-bagdoy ug gibaligya ang ilang kaugalingon ngadto sa mga tawo nga buang sa kalipayan. Maingon sa nahitabo kaniadto sa mga adlaw sa Israel, mao man usab ang nagakahitabo sa karon, gipili sa Amerika ang mao gihapon nga dalanon, ang mao ra mismo nga dalanon, kalipayan!

<sup>48</sup> Wala magdugay, giuyonan sa gobyerno ang sala: “Basta aduna lang kamo og sinagoga, unsa ma’y kalahian niana?” Eksaktong ingon niana ang gibuhat sa Amerika. Ug nagsugod na kita nga organisahon ang atong kaugalingon ug naghimo’g gamay nga mga pundok, ug mas nagkadautan, nga mas nagkadautan, og mas nagkadautan pa. Kon nagpabilin lang

gyud unta kita sa tinuod nga mga prinsipyo kung ngano nga midunggo kita dinhi! Mao nga ang sala hinayhinay nga nagasulod sa mga kaiglesiahan maingon sa nahitabo kaniadto. Hinayhinay na nga ginaputlan sa mga kababayen-an ang ilang buhok, nagasul-ob og mahilas nga mga sinina, og ginapamuban pa kana matag tuig ug. . . Ug ang mga kalalakin-an pud hinayhinay na nga ginabuhat ang *ingon-ani*, *ingon-ana*, ug *uban pa*, ug nagadula og mga baraha ug nagadula og mga dula nga bunco sulod sa simbahan, ug ingon na gayud ka kalibutanon sama kanila kaniadto, nga buang sa kalipayan, mga nanagpakahubog hangtud nga nawad-an na'g panimuot.

<sup>49</sup> Ang mga ministro nanaggraduwar sa seminaryo, ug nagaingon ang obispo, “Magwali kamo, mga kalalakin-an, sa kung unsa man ang gusto ninyo. Para sa ako, nauga na ang dugo ni Jesus Cristo dise-nuebe na ka gatus ka tuig ang milabay.” Hangtud sa punto nga ang iglesia wala na'y lain kondili usa na lang ka organisasyon, nga mora'g usa ka kapunongan. Hinaut nga dili n'yo unta mahikalimtan niining hapon! Nahimong usa na lang ka kapunongan, nagasulod na ang pagka-kalibutanon, nagsugod na ang mga ministro nga mopakigkompromiso sama sa gibuhat nila kaniadto sa mga adlaw ni Ahab. Makasasala gayud, dunot na hangtud sa kinauyokan, ug nagpadayon ra kini nga nagpadayon sa ingon kapaspas nga mahimo niini.

<sup>50</sup> Bisan nagpadala na ang Dios sa ilaha og sunodsunod nga mga propeta, ug ingon nga may malumo nga kalooy nagpakilooy pa Siya sa mga tawo, pero gitalikdan ra nila Kini. Tungod ang gusto nila ang ila mang pamaagi, ingon nga sila'y mga Israelinhon, gawasnon kono sila, usa sila ka bantugan nga nasud, ang ilang mga unang amahan kono nagbuhat og *ingon niini-ug-ingon niana* (sila ni David ug Solomon), mao nga mabuhat kono nila kung unsa ma'y gusto nilang buhaton. Mao ra gyud gihapon sa karon kon ibasi ta ang atong kaugalingon, eksakto; kung unsa si Washington, ang atong mga unang amahan, ug kung unsa mismo ang ilang gibarugan. Pero, igsoon, usa ka milyon ka milya ang atong kalay-on gikan nianang mga butanga; ang atong mga kaiglesiahan mismo, usa ka milyon ka milya na ang kalay-on.

<sup>51</sup> Ang kanhing. . . Ang iglesiang Methodist sa karong panahon, kumpara sa kung unsa ang iglesiang Methodist kaniadto! Kung unsa ang Pentecostal karon, ug sa kung unsa kini kaniadto! Kung unsa ang Baptist karon, kumpara sa kung unsa kini kaniadto! Kon aduna lang unta kita'y oras aron balikan ug hisgotan si John Smith ug ang daghan pa sa mga repormador kaniadtong unang mga panahon. Miingon si John Smith, sa wala pa siya namatay, miingon, “Ang makapasubo nga butang mao nga ang mga kababayen-ang Methodist nagasugod na magsul-ob og mga bulawan nga singsing diha sa ilang mga tudlo.” Methodist! Unsa pa kaha ang masulti niya sa karong panahon

pag makita niya sila nga pinutlan na ang ilang mga buhok, ug pinintalan na ang ilang tibuok nawong, og nanagsul-ob na og purol? Tungod kini sa sala!

<sup>52</sup> Unsa ma'y gibuhat sa Dios sa Amerika? Nagpadala og mga rebaybal, og sunodsunod nga mga rebaybal. Giwali sa mga ministro ang Pulong, gipaningkamotan nga tawgon ang mga tawo pabalik sa Dios. Pero unsa ma'y gibuhat nila? Mao ra mismo sa gibuhat kaniadto sa Israel, gisalikway nila Kini! Gibiaybiayan sila! Gibansagan sila nga mga "holy-roller"! Gibalhog pa gani sila sa bilangoan!

<sup>53</sup> Kung may usa sa mga igsoon kong babaye ug usa sa mga igsoon kong lalaki, gikan niini nga simbahan karon, ang mitindog didto sa hotel kagabii ug nagpataas sa ilang mga kamot ug nagdayeg sa Dios ug misinggit didto sa lawak, nan siguradong anaa na unta sila sa bilangoan karon tungod niana. Pero ang usa ka palahubog, wala na'y panimuot nga pundok sa mga hangal nga "unholy-roller" mahimong motindog didto ug magsinggit-singgit tibuok gabii; nga hubog, ug mamalikas ug managhubo na ang ilang mga kababayan-an ug kung unsa na lang ang buhaton, ug mangatumba sa salog ug magsinggit-singgit tibuok gabii, pero dili gani sila mosulti ni usa ka pulong bahin niana. Mao nga dili ikatingala nga pagahukman gyud kita ilalum sa kamot sa Dios!

<sup>54</sup> Matikdi, padayon, nga nagapadala ang Dios og mga ministro, nagapamuhat og mga ilhanan ug mga katingalahan, og ginapamatud-an ang Iyang Pulong. Pero kasagaran, daghan hinoong moderno nga mga ministro ang nagsalikway Niini ug nagabiaybiay sa matag rebaybal. Sama niining nagpatawag ra nga Church of Christ ug uban pa, "Milabay na kono ang mga adlaw sa mga milagro." Nagapaningkamot kutob sa ilang mahimo nga babagan kini nga madawat sa diyutay'ng nahibilin sa Dios. Maingon sa nahitabo kaniadto sa Israel, mao man usab karong panahona. Makadaghan nang higayon, nga gikinahanglan sa Dios nga ipahigawas ang Iyang katawohan gikan sa mga organisasyon ug mga denominasyon, og dalhon ngadto sa kamingawan ingon nga sila lang, aron istoryahon sila. Ug magkaaduna gyud Siya og mga nahibilin, ayaw kamo'g kabalaka bahin niana. Nagkaaduna Siya kaniadto, magkaaduna usab Siya karon. Pero ang mga tawo nagpadayon ra gyud sa sala, nagaubog sa maong mga butang. Ngano man? Tungod sa nagapangulo kanila, og walay unsa man nga makapugong niana.

<sup>55</sup> Bueno, sa tinuod lang, daghan ko'y nasayran nga mga nasud nga kung makita nila ang mga tawo nga nagabisti nga sama sa ato dinhi sa Amerika, nan ilang ibalhog sila sa bilangoan. Ngani sa pag-adto ko sa Saint Angelo, didto sa Roma (karon, palandunga n'yo kini, ingon gayud ka makauulaw kadto), aduna sila'y karatula didto, tupad sa lubnganan sa Saint Angelo, "Sa

mga kababayen-ang Amerikano: ‘Palihog, pagsul-ob kamo og sinina ug tahura ang mga patay.’”

<sup>56</sup> Kung aduna ma’y butang nga makapasuka kanimo, kana mao ang makakita ka og grupo sa mga Amerikano kono nga manulod. Nagalingkod ko niadto, sa Lausanne, diin nangaon kami og lamian nga steak, usa niadto ka adlaw, kami ni Igsoong Arganbright. Pagkasunod adlaw, namalik kami tungod kay lami man ang pagkaon didto. Gikinahanglan ko pang magdala og tubig didto, tungod wala man gud sila’y laing ginahatag didto kondili bino lang. Ug mao nga duna ko’y dala nga tubig, gikinahanglan kong magdala og usa ka botelya sa tubig nga sipit-sipit ko sa akong bukton, pirmi, tungod kay dili man sila mohatag og tubig sa imoha diha sa lamesa. Dayon misulod na ko didto, ug maayo ra gyud unta ang tanan hangtud nga may “Miss Amerika” nga misulod didto nga may dala nga gamay’ng, mahugaw, nga poodle nga iro nga bulingit ang ilong; nagsul-ob siya og mga alahas nga gikan sa baratohon nga tindahan nga nakaingon *niana*, ug may sigarilyo nga ang tumoy niadto nakaingon *niini*, milingkod didto og gapaaron-ingnon siya nga daw si kinsa pero dili baya; ug gipalingkod pa sa lamesa ang poodle nga iro, nga mahugaw, og bulingit nga linalang.

<sup>57</sup> Kini’y...ang iro ang pinakaubos nga linalang nga gihisgotan sa Dios. Gani ang ikapulo nga bahin nga gikan sa iro dili man puedeng ibayad sa balay sa Dios. “Sama kini sa bigaon, ikapulo sa usa ka bigaon,” ang ingon sa Biblia. Ug, bisan pa niana, mao na gyud kamo. Mogamit pa gani ang mga kababayen-an og mga pamaagi para dili makaanak ug mogasto og usa ka libo ka dolyares, halos, para sa usa ka gamay’ng iro; ug isuroy-suroy kana sa kon asa man ug panggaon kana nga mora’g usa ka bata, aron makabagdoy-bagdoy gihapon siya tibuk gabii, ug mao nga mogamit siya og mga pamaagi para dili makaanak.

<sup>58</sup> Unsa ma’y lauman mo kondili kalamukat! Tingali’g dili na ninyo madungog ang akong tingog pag-usab, mao nga gusto ko nga hinumduman n’yo kini: Ania na gyud kita sa katapusan!

<sup>59</sup> Tuod man, nahibaloan nato kung unsay nahitabo didto, kung unsay gibuhat. Sa kaulahian, miabot ang *makuyaw* nga takna: gipili si Ahab, ug sa pagpili kaniya, giminyoan niya si Jezabel; kadtong duno nga dautang babaye nga mao’y nangulo sa tibuk Israel sa pagsimba og dios-dios. Ug maingon sa gibuhat sa Israel kaniadto, aba, kini...Siguradong anaa gyud sila sa pagka-backslide nga kahimtang, ingon nga gitugotan nila ang ingon niadtong butang nga mahitabo sa ilang nasud. Ang mga balaod gihimo sa mga tawo alang sa mga tawo, ug gibuhat sab nato ang mao gihapong butang!

<sup>60</sup> May panahon kaniadto nga ang Amerika wala mitugot... nasayod gyud sila nga dili nila angay’ng pasagdan ang tigulang

nga bigaon, ang tigulang nga bigaon nga miinom sa dugo sa mga martir, og nga nagpatay kanila, ug kana ang hinungdan nga mikalagiw sila paingon dinhi, alang sa kagawasan, tungod sàb nga dili gayud nila mapasagdan ang ingon niadto. Nagapakita lang nga anaa na kita sa pagka-backslide nga kahimtang, ang tibuok nasud mismo, tungod sa pagpili og ingon niana. Oh, siyempre, karon kamo...ang pipila kaninyo nga mga maunongon nga Democrat tingali'g maghunahuna niini, nga, "Oh, bueno, siya'y—siya'y mamahimo gayud nga maayo nga lider sa pulitika." Tingali'g maayo man kana nga pangatarungan, sa karnal nga panghunahuna. Apan sa Pulong sa Dios ug sa espirituwal nga panghunahuna, wala kana'y kahulogan. Wala gayud, bisan pa ang pipila ka dugang nga dolyares ug unsa man nga pagpakunhod sa buhis o mora'g ingon niana.

<sup>61</sup> Ug nagkalisud gyud kita, ang atong mga misyonaryo sa natad sa pagpangmisyon sa karon, tungod kay karon giisip na man kita nga usa ka Katoliko nga nasud. Aba, tinuod gyud, ngani ang Rusya giisip man nga komunista tungod nga aduna sila'y lider nga usa ka komunista. Ang Red China giisip pud nga komunista tungod nga aduna sila'y lider nga usa ka komunista. Giisip sàb kita nga Katoliko tungod nga aduna man kita'y lider nga usa ka Katoliko.

<sup>62</sup> Oh, kaniadtong anaa na sa trono si Ahab... Moingon mo, "*Siya* ang anaa sa trono." Husto kana, pero si Jezabel man ang lider nga nagapaluyo sa trono. Siya man mao ang nagapangulo. Matikdi n'yo kung giunsa niya paggamit ang mismong mga balaod sa yuta ug gituis ang mga niini, para lang sa pangkaugalingon niyang interes ug tungod sa kahakog, ug gipugos si Ahab nga buhaton kadto tungod kay naminyo man kini kaniya. Ug ingon niana usab sa atong lider karon. Dili ko ginaingon nga siya'y dili maayo nga tawo, pero tan-awa n'yo kung kinsa ang nagapaluyo kaniya: ang bigaon, ang mismong hinungdan (aron mahimo nga Amerika) kung ngano nga mikalagiw kita paingon dinhi; ang mismong mga prinsipyo kon diin gitukod ang Amerika. Kita, pinaagi sa kaugalingon natong gawasnon nga pagpili, nagpili tà og ingon niana.

<sup>63</sup> Karon nasabtan n'yo ba kung ngano nga ang akong tingog pahunongon na sa dili madugay. Pero aduna gayu'y makaila! Oo! Ngano man? Pinadayag 2:20, gitawag niya ang iyang kaugalingon ingon nga usa ka "babayeng-propeta." Matikdi lang ninyo ang balod nga sala nga nagakahitabo karon. Matikdi ninyo ang kinauyokan nga nagapaingon sa kinauyokan. Matikdi n'yo ang mga moderno, matikdi n'yo ang mga dautang butang nga nagakahitabo sulod sa mga iglesia. "Ug, sa katapusan, moabot ang usa ka paglutos," mao kana'y ginaingon sa Biblia, MAO KINI ANG GINAINGON SA GINOO! Walay pagduhaduha, magkaaduna gayud.

<sup>64</sup> Dayon unsa na ma'y mahitabo? Sama sa nahitabo kaniadto,



mao man usab sa karon. Si Jezabel ang panggamhanan nga nagapaluyo niadto, siya mao ang nagkontrolar niadto. Basaha n'yo ang... sa hunahuna ko mora'g sa dise-... mga ika-17 or ika-18 nga kapitulo, dinha dapit, inyong makita dinha kung unsa ang gibuhat ni Jezabel: kung giunsa niya pagkontrolar si Ahab, ug walay unsa man nga masulti ang hari mahitungod niadto tungod kay iya man kadtong asawa. Tan-awa n'yo kung sa unsa natukod ang nasud niadtong panahona, usa ka nag-backslide nga Israelinhon nga may pagano nga asawa (nga nagapaluyo kaniya) nga usa ka magsisimba kang Baalim. Ug unsa ma'y gibuhat sa maong asawa? Sa kaulahian gihimo niya ang tanan nga ingon ka moderno, ug ingon ka maanindot, ug masayon kaayo sa mga tawo, hangtud nga nahulog niadto ang tibuok iglesia, ang mga magwawali ug tanan na. Dili ba miingon si Elias, "Ginoo, ako na lamang ang nahibilin"? Ug maingon sa kung unsa kaniadto, pareho ra usab sa karong panahon.

<sup>65</sup> Silang tanan kaniadto nahadlok nga mosulti og unsa man. Dili ba mao man gihapon sa karon? Nahadlok sila nga mosulti og unsa man. Busa hingsayran nato, nga nagarelaks-relaks lang sila, walay pagkahan-ay, nanagpakahubog, bisan unsa na lang ang ginabuhat, mga buang sa kalipayan, ug tanan nang uban pa, maingon sa kung unsa mismo sa karong panahon. Si Jezabel nga ginatuis ang mga Kasulatan... Unsa ma'y iyang... o ang maong mga kasugoan, nga—nga gipangtuis ni Jezabel. Hinumdumi n'yo, si Jezabel, gitawag niya ang iyang kaugalingon nga usa ka "babayeng-propeta," aron magamhan ang mga tawo, ug giingon pa niya nga siya lang kono "ang bugtong tingog sa Dios sa yuta." Himoon niya nga motoo niana ang may karnal nga panghunahuna sa ingon ka sigurado gayud.

<sup>66</sup> "Mahitabo ang usa ka pagsimba sa usa ka babaye, sa Estados Unidos, ug kana'y sa kang Maria." Nakita ko na kini, traynta... 1931. Pito ka butang ang nahitabo. Ngani anaa kini dinhi sa papel, nga dala nako, gisulat ko kini niadtong 1931. Gisulti ko nga "Kini nga Presidente, si Franklin D. Roosevelt, aghaton niya ang tibuok kalibutan, motabang siya para mahitabo, nga mapaingon ang kalibutan sa usa ka gubat." Wala pa niadto nahitabo ang maong gubat, kaniadtong panahon sa pagkunhod sa ekonomiya. Ingon ko, "Usa pa ka butang,..." Ug ang akong inahan, nga usa ka maunongon nga Democrat, mitutok gyud siya og ayo sa ako sa pagsulti ko niadto. Ingon pa ko, "Dili ko igsapayan kung usa man siya ka Republican o kung Socialist man siya o kung unsa man siya, kini'y MAO KINI ANG GINAINGON SA GINOO." Ug ingon ko, "Tungod niini, tugotan na nila ang mga kababayan-an nga mobotar. Ug pag buhaton na nila kana, buhaton nila ang usa sa pinakadakung kaulawan sa niini nga nasud." Ug ingon ko, "Moabot ang adlaw nga pagabayaran gyud nila kini." Ug gihimo mismo nila sa niining miagi lang nga eleksyon. Kadto mao ang mibotar kaniya,

ang mga kababayan-an.

<sup>67</sup> Ug kamong minahal nga mga itum nga higala, sa Habagatan, mibotar gayud kamo! Moingon pa mo, “Wala ka’y katungod nga isulti kana diha sa pulpito.” Oh, bitaw, aduna ko’y katungod, tungod kini’y Pulong man sa Dios! Ug ang mantsa sa dugo ni—ni Abraham Lincoln, nga mao’y nagpahilwas kaninyo, atua napahimutang didto sa museo sa bisti sa usa ka babaye, pero gibaligya lang ninyo ang inyong pagkapanganay. Makauulaw kamo.

<sup>68</sup> Ug kamo, tungod sa pulitika, tungod lang kay usa kamo ka maayo nga Democrat, mao nga gibotaran n’yo ang ingon niadto, ug gibaligya ang inyong katungod sa pagkapanganay sa pagka-Amerikano ug pagka-Cristohanon, para ihatag kana ngadto sa bigaon nga mao’y nagpakalagiw kanato paingon niining nasura, og nga nagpahimo kanato sa kung unsa kita karon. Nakita n’yo ba kung sa unsang paagi siya hinayhinay nga nagasulod? Masayon ra kaayo, nga karon anaa na siya sa trono. Tinuod! Sa trono sa White House.

<sup>69</sup> Matikdi! Kaniadto...Nahibaloan ba ninyo niadtong miaging adlaw ang mahitungod sa mga Katolikong eskwelahan ug mga Protestanteng eskwelahan? Ginasuportahan nila ang Katolikong eskwelahan pero wala suportahi ang sa Protestante. Kita n’yo na? Oh, igsoon! Bantayi n’yo ang balod sa mga ingon-anang butang nga moabotay na. Matikdi, ug tungod sa ilang gibuhat, tan-awa n’yo kung unsay nahitabo. Nagkatipun-og na gyud kining tanan nga sala. Nga miabot sa punto nga ang nasud nahidangat na sa ingon-anang matang sa nagasarasay nga kahimtang.

<sup>70</sup> Pipila na ka tuig ang milabay, kaniadtong ilang...unang mitungha ang mga Pentecostal, giluwat niadto ang nasud pipila na ka tuig ang milabay kaniadtong nagpapili si Al Smith. Mas nasayod gyud ang Amerika kaniadto. Pero ang Pentecostal nahimo mang kalibutanon na kaayo nga nagpatuyang na lang ug gibaligya ang ilang mga katungod ingon nga usa ka Cristohanon, ngadto sa pulitika, ug nauna pa ang pulitika kay sa Biblia. Oh, grabe!

<sup>71</sup> Karon, sa makadiyut lang, ug matikdi n’yo kung unsa ang resulta niini. Karon, nahibaloan nato kung unsay gibuhat nila ug ang mga butang nga gibuhat nila kaniadto, makita nato nga parehong eksakto gayud sa karon, ang sala nga bisan asa na lang. Misulod si Jezabel, og gidani niya ang tanang mga tawo. Ug matikdi n’yo, sa kaulahian, misugod na siya pagpatukod og dagkung mga halaran para kang Baalim. Husto ba? Ug ang mga sacerdote ni Baalim magkauban nga nangadto didto gikan sa tanang dapit, ug hinayhinay nga gihugawan ang kayutaan pinaagi sa pagsimba kang Baalim.

<sup>72</sup> Matikdi n'yo kung giunsa nila pagbuhat, matikdi n'yo kung sa unsang paagi sila nakasulod. Ang mismong mga butang nga ilang gibuhay, tan-awa n'yo kung asa na sila karon. Tan-awa n'yo ang Katolisismo nga nagapangtukob, nagapangtukob, nagapangtukob; nga ginapaminyo, ginabungkag kini, nga eksakto gayud sa gisulti ni Daniel nga ilang buhaton. Ang puthaw ug yutang-kolonon dili man mahimong magsagol, apan ilang isagol ang ilang mga kaliwatan sa usa'g usa, para mangbungkag. Ang matag dalagang Protestante nga makigminyo sa usa ka batan-ong Katoliko kinahanglan konong padakuon ang iyang mga anak nga mahimong Katoliko. Tanan na nga ingon niana, pagpangasawa, pagpangasagol, ingon niana hangtud nga miabot sa punto nga ang tibuok Estados Unidos nalukop na sa mga ulod.

<sup>73</sup> Unsa na ma'y atong buhaton ingon nga mga misyonaryo, nagasangyaw lagi ta didto aron ipahilingkawas ang South America ug ang tibuok bahin sa kalibutan, ngani sila ni Tommy Osborn, nagapaningkamot nga ipahigawas ang mga tawo gikan sa paganism pero mahimo nilang ipunting balik ang ilang tudlo nganhi kanato tungod sa lider nga atong gipili, ug mao ra mismo. Oh Dios. Unsa—unsa na ma'y mahitabo niining kalibutana? Angay gayud nga uyogon Niini ang matag tawo dinhi. Unsaon man nato pagtubag? Unsa ma'y igasulti sa misyonaryo pag moingon sila, “Nanganhi lagi mo dinhi aron ipahilingkawas kami gikan sa ingon-ani, pero ang inyo mismong katawohan mao ra man gihapon ang gipahimutang sa inyong panggamhanan, sa trono didto”? Unsaon man nato... Unsa...

<sup>74</sup> Tan-awa n'yo ang mga panid sa kasaysayan, baliki n'yo ug tan-awa kung kini—kung kini'y bug-os ba gayud, halos, nga wala na nahuyon sa batakang-balaod. Ayaw nilang buhaton ang ingon-ana kaniadtong mga tuig nga nanglabay pero, kita n'yo, gibaligya na nato sa pulitika ang atong mga katungod ingon nga Cristohanon, ug sa ingon-anang paagi nakasulod ang yawa. Si Ahab wala ma'y lain kondili usa ka tawotawo lang ni Jezabel. Ingon niana lang sàb kini, tawotawo lamang. Dili siya mismo ang mobuhat niana, pero ang sistema nga nagapaluyo kaniya mao'y magtukmod kaniya paingon niana. Eksakto gayud! Kusia n'yo ang inyong konsensiya, kamo nga Cristohanon. Pukawa n'yo ang inyong kaugalingon, kay basin unya'g ulahi na kaysa inyong pagdahum. Ang kahimtang nga atong nahimutangan, ang kahimtang nga ilang nahimutangan kaniadto, ug kung unsa nga gitugotan ra nila ang ilang mga kaugalingon nga magpatuyang.

<sup>75</sup> Siguradong mituaw gayud ang mahimayaon og mahigugmaon nga kasingkasing sa Dios, ug nagahilak, samtang ginasud-ong Niya ang Iyang mga tawong misyonaryo. Gihimo sila nga usa ka panig-ingnan, nga ang tanang kanasuran nanagpangadto gikan sa tanang dapit tungod kay

gipanalanginan man sila sa Dios, nakita sila nga nagakahiusa, sa espiritu, ginaalagaran ang Dios. Ug dayon ang hunahunaon nga Siya—nangandoy Siya nga makita sila nga mobalik sa ilang nahaunang gugma ug buhaton unta ang husto, pero padayon hinoon silang mipahilayo, nga mipahilayo, ug mipahilayo pa, hangtud nga sa kaulahian nakasulod si Jezabel. Ingon niana mismo ang gibuhat nato. Misimang kita gikan sa mga tulooan ni Cristo. Kaniadtong gipadala sa Dios ang Iyang mga ministro sa tibook nasud, giwali nila ang pagkabalaan (sa mga Pilgrim Holiness, mga Nazarene, mga Pentecostal), “Pamalik na mo sa Dios! Pamalik na mo sa Dios!”

<sup>76</sup> Ug kadtong karaan nang natukod nga mga iglesia nangatawa lang ug nagbiaybiay. Ngani daghan kanila nga moderno nga mga magtotoo, aba, ginakondena nila ang tanan nga ginabuhat niini nga mga kalalakin-an ug miingon, “Iya Kana sa yawa.” Unsa ma’y gibuhat niini? Ug ang iglesia misugod na nga maminaw niadto, misugod nga maminaw ang kadaghanan. Mahibaloan mo na lang, “Kung puede nga magsul-ob og mga ingon-aning butang ang babayeng Katoliko, nan puede usab ang Protestante. Kung puede nga buhaton sa iglesiang Katoliko ang *ingon-ani*, puede usab sa Protestante. Ug kung puede sa Methodist, unsa man usab sa Baptist? Dayon kung puede sa Baptist, unsa man usab sa mga Pentecostal?”

<sup>77</sup> Kita n’yo, sa ingon niana kamo ginadala sa mga sistemang hinimo’g-tawo. Alleluyah! Tinuod. Mao kana’y hinungdan nga batok ako niana, tungod kay ang Pulong sa Dios batok man niana. Mga sistemang hinimo’g-tawo: batok niana ang Dios, ang Iyang Pulong batok niana, ang Iyang mga propeta batok niana, ang Iyang tinuod nga mga alagad batok pud niana, ang tanan nga natawo sa Espiritu sa Dios batok sàb gyud niana.

<sup>78</sup> Matikdi n’yo kung unsay gidangatan sa Israel, kung unsa nga naglutaw-lutaw ra sila subay sa sulog, hangtud nga sa kaulahian nakasulod si Jezabel. Matikdi n’yo kung unsay gidangatan sa Amerika, ingon nga nagalutaw-lutaw pud subay sa sulog sa pagka-kalibutanon, hangtud nga sa kaulahian milingkod na si Jezabel sa trono. Husto kana. Bueno, dili man gyud ingon nga aktuwal nga atua si Jezabel sa trono sa Egipto. . . o, sa trono sa Israel, kondili siya mao ang pinaka pangulo nga anaa likod sa trono. Ug ang herarkiya sa Katoliko dili man gyud ingon nga anaa mismo sa trono sa Estados Unidos, kondili siya mao ang sistema nga nagapaluyo niini tungod kay naminyo man siya niini. Ug ang Biblia miingon, nga sa niini nga nasud, magahimo sila og “usa ka larawan nga *sama* sa mapintas nga mananap.”

<sup>79</sup> Oh, igsoong lalaki, igsoong babaye, unsa na ma’y nagakahitabo? Bueno, ako—kabalo ko mismo kung unsa. Miingon ang Biblia nga modangat sila dinhi niini nga kapanahonan sa Laodicea, ug dinha na kita karon. Tingali’g dumtan n’yo ako karon, pero moabot ra ang adlaw nga dili

na kamo magdumot pag mahibaloan n'yo na kung unsa ang Kamatuoran. Tingali'g dili kamo uyon kanako mao nga motindog mo ug magbundak-bundak sa inyong mga tiil pagawas sa bilding, nan nagapakita lang kana sa inyong pagkawalay-hingbangkaagan. Apan moabot ang adlaw nga maamgo ra ninyo, moabot ang adlaw nga mangandoy kamo ug mahibaloan n'yo nga mao gyud diay kini ang Kamatuoran! Ginasulti ko Kini sa Ngalan sa Ginoo! Ngani ginapahimutang ko man ang akong kaugalingon sa peligro, nga sa kaulahian mao'y magadala kanako sa lubnganan. Pero mahimo gyud ako nga sakski hangtud nga ako mamatay, kung tabangan ako sa Dios. Tinuod kana.

<sup>80</sup> Ania kita sa niini nga kahintang nga atong nahimutangan karon, nga ang tanan nagapadayon nga ingon niini. Sa Israel, kung unsa nga nanglihok si Ahab, nga usa ka tawotawo lang ni Jezabel tungod kay siya kan-. . .naminyo man siya kaniya. Sa Amerika, ang atong lider, sa unsang paagi nga ang usa ka. . . Kabalo ba mo nga ang atong lider usa ka dato nga tawo? Pila man ang nakahibalo niana? Usa ka multimilyonaryo. Adunay nakasulti sa ako, sa usa ka magasin o usa ka radyo o telebisyon o mora'g mao kana, si Jack Benny man tingali o si kinsa man ang nagsulti. . .si Ernie Ford, nagatoo ko nga siya. Adunay miingon nga "Gitabangan kono siya sa iyang amahan para makuha ang duha ka estado nga dili iyaha." Halos iyaha man gud ang tanang uban pa. Giunsa man niya kadto pagkaangkon? Diin man gikan ang maong kuwarta? Gikan sa pagnegosyo ug whiskey, ug ilimnong makahubog. Mao kana'y hinungdan nga gipaubsan niya ang mga buhis sa whiskey ug mga ingon-anang butang. Mao kana ang nakapadato kaniya. Ang mismong butang nga naghinungdan nga matinunglo ang atong nasud, ang mismong butang nga nagdaut sa mga panghunahuna sa atong katawohan, ang butang nga naghinungdan nga mamahimong mga palahubog ang atong mga kalalakin-an, ug mamahimong mga bigaon ang atong mga kababayen-an, ang kuwarta nga gikan niana mao'y nakapadato kaniya.

<sup>81</sup> Ang mao ra mismong butang, kanang karaan na nga sistemang Jezabel, ang mao ra mismong butang nga naglutos sa atong katawohan kaniadto, ang mao ra mismong butang nga nagpakalagiw kanila (niadtong panahon sa Romanismo) ug nagsunog kanila ug nagwatas-watas kanila ug gibuhat ang tanan na nga pagpaantus kanila, ang mao ra mismong dugo sa mga martir (ang ginaingon sa Biblia) anaa gayud kaniya! Mao kana sila, nagminyo na. Ug kita nga mga Amerikano padayon ra nga nagasarasay, "Oh, bueno, aduna man kami'y pipila ka dugang nga dolyares ug nagakalipay gayud kami. Ingon nga mas maayo ang among kahintang kaysa tanang uban pa nga mga nasud." Pero, igsoon, kadali lang.

<sup>82</sup> Hisgotan tà kini karon nga letra por letra, sa mosunod nga

pipila ka minuto, og tan-awon nato kung unsay nahitabo.

<sup>83</sup> Nagsunod-sunod ang mga magwawali, nagpailalum kanila, og nag-uban-uban kanila, sa maong tibuok sistema. Ang tibuok sistema sa Israel nag-uban-uban mismo kang Jezabel. Aduna sila'y dagway, oo. Ug dili ba ginaingon kanato sa Biblia nga sa niining kaulahiang mga adlaw magkaaduna kita og “dagway sa pagkadiosnon”? Ngani natuman na man ang tanang mga propesiya, igsoon, ania na kita sa katapusan! Basi sa pang-nasud, ania na kita sa katapusan! Sa espirituwal, ania na kita sa katapusan! Ang matag sistema anaa na gyud sa katapusan niini! Ang sunod nga butang mao na ang pag-abot sa Ginoo ug ang paglalain sa Iglesia.

<sup>84</sup> Gipadala na man sa Dios ang matag ilhanan, katingalahan, gibuhat na ang tanan nga Iyang mahimo, sa pagpaningkamot nga danihon ang mga tawo, ug sa kanunay nagpadayon ra hinoon sila didto. Tan-awa n'yo kining lungsod dinhi. Tan-awa n'yo kining probinsya dinhi, nga may napulo ka gatusan ug gatusan ka mga Pentecostal; ug tungod nga kinahanglan man nga mobarug sa Kamatuoran, hain na ba sila karong hapon? Tungod kay adunay nagsulti kanila nga dili kono magkigtimbayayong niini nga panagtigum. Kamong makaluluoy, nga ginatuyo nga . . . maluoy unta ang Dios kaninyo, mao lamang ang akong masulti. Ingon nga kamo nga mga Cristohanon wala na'y dugokan, mahumok na nga bukog ang anaa kaninyo imbis nga usa gayud ka dugokan. Oo! Ang gikinahanglan nato mao ang “iwali ang Pulong nga may ngipon,” nga mowatas-watas sa maong butang. Napahilayo na man gud sila sama sa tanang uban pa kanila, dayon matingala pa mo kung nganong ginasaway nato kana. Pagkahuman, makita mo, nga makadawat ka na lang og “mabugnaw nga pagtagad.” Hinoon ginalauman ko na kana, sigurado.

<sup>85</sup> Kining tanan nahitabo mismo sa Israel kaniadto. Pero sa kaulahian, usa niadto ka adlaw, mitungha nga gikan pa sa kamingawan, ang usa ka tigulang nga balhiboong lalaki, si Elias nga Thisbinhon. Wala siya mitungha gikan sa unsa man nga mga organisasyon, kondili mitungha siya gikan mismo sa kamingawan! Wala siya'y unsa man nga kahilambigitan kanila. Siya'y usa ka propeta sa Ginoo. Igsoon, giuyog gayud niya kadtong gingharian ni Jezabel tungod sa tanan-tanan nga anaa niadto. Gidumtan nila siya. Wala gyu'y nakigtimbayayong kaniya, maigarantiya ko kana kaninyo. Ginaingon mismo sa Biblia nga wala gayud. Sigurado. Iyang gihimo nga kadtong mga Jezabel nga pinintalan ang nawong “mangasuko mismo,” mahanduraw ko. Gipataup niya ang atsa ngadto sa gamut sa kahoy sama sa gibuhat ni Juan, bisan unsa pa ma'y mahitabo, pero gipataup gayud niya ang atsa didto. Giuyog niya ang nasud, ginapakita kanila nga sayup sila, ug ginapaningkamotan nga tawgon sila pabalik sa tinuod nga buhi nga Dios, ug pabalik sa

Iyang Pulong inay nga sa usa ka Jezabel nga pagsimba.

<sup>86</sup> Unsa ma'y gibuhath niya? Gidawat ba niya siya? Gidumtan hinoon niya siya! Apan ang iyang Pulong naipahayag gayud bisan pa man, tungod anaa man kaniya ang MAO KINI ANG GINAINGON SA GINOO! Namuhath ang Dios pinaagi kaniya, ug gipakita nga dinihogan siya nga propeta tungod sa mga butang nga gisulti niya og nahitabo mismo. Ug tanan-tanan nga gibuhath niya nagpamatuod mismo nga siya'y propeta gayud sa Dios. Pero bisan pa niana wala niya Kini gitooan, tungod kay gipangbungkag man niya ang ilang mga balay-dulaanan. Gisultihan niya sila nga sayup gyud sila. Nga si Ahab usa ka salbahis. Tinuod! Ug kon namatikdan ninyo wala niya gitooan siya, pero giwala gihapon niya Kini bisan pa man. Wala gani ni usa ka magwawali ang miuyon kaniya, miingon siya, "Ako na lamang usa ang nahibilin, Ginoo. Tan-awa sila, dili gani sila . . . ni usa, wala gyu'y makigtimbayayong." Pero aduna man siya'y misyon nga pagabuhaton ug gibuhath niya kadto. Anaa kaniya ang Pulong sa Ginoo ang, MAO KINI ANG GINAINGON SA GINOO! Ug gibatikos niya ang nasud, gibatikos niya ang iglesia, gibatikos niya ang tanan didto, ug ang Dios kauban niya!

<sup>87</sup> Gikasaad na kanato, sa kaulahiang mga adlaw, nga mobalik siya niini nga nasud usab. Nasayod ko, nga si Jesus, kaniadtong . . . Mateo 17, kaniadtong gipangutana niya Siya, "Nganong nagaingon man ang mga escriba nga, 'Si Elias . . .?'"

<sup>88</sup> Matikdi n'yo kung unsay Iyang gisulti, "Tinuod nga kinahanglan moanhi una si Elias," human na, pang- . . . sa umalabot pa lang. Ug si Juan ang gihatag Niya nga panigingnan. Pero dili si Juan ang Malaquias 4. Si Juan mao ang Malaquias 3, "Ania, Akong ipadala ang usa ka mensahero sa atubangan Ko, aron magaandam sa dalan."

<sup>89</sup> Sa Malaquias 4, ang ingon Niya, "Sa dili pa moabot ang daku ug makalilisang nga adlaw sa Ginoo, sa diha nga ang tibuk kalibutan pagasunogon nga sama sa dagami; adisir kana nga adlaw, Akong ipadala si Elias."

<sup>90</sup> Ug dili kana si Juan, tungod kay wala man gisunog sa Ginoo ang yuta kaniadtong miabot si Juan. Ug kung matikdan ninyo, diha sa ulahing kapitulo, sa ulahing bersekulo, Siya miingon, "Ug iyang . . ." (matikdi: *iyang* ang ginahisgotan) ". . . ipasig-uli ang mga kasingkasing sa mga amahan ngadto sa mga anak, ug ang mga kasingkasing sa mga anak ngadto sa mga amahan."

<sup>91</sup> Karon matikdi n'yo! Ang unang Juan nga miabot, ang unang Elias, unsa ma'y gibuhath niya? Miabot siya ug gipahayag ang usa ka Mensahe ug gipasig-uli ang mga magahi nga kasingkasing sa mga karaang orthodox ngadto sa pagtoo sa batang iglesia, ang mga anak. Pero sa pag-abot sa sunod nga Elias, sa katapusang panahon, iyang ipahibalik ug ipasig-uli ang—ang mga kasingkasing sa mga amahan . . . ang mga kasingkasing

sa mga anak, diay, ug ipahibalik sila ngadto sa Pagtoo sa pentecostal nga mga amahan. Nakita n'yo ba ang kalahian? Dili siya mamahimong usa sa niining mga *nagpatawag-lang* nga aduna kita dinhi sa karon, kondili mobalik siya mismo sa Mga Buhat 2 ug dinha mismo magsugod. Iwali niya ang walay-sambog nga Ebanghelyo, og igasulti lamang ang mao gihapong butang nga gisulti ni Pedro kaniadtong Adlaw sa Pentecostes, tungod kay ang gisulti niya sa Pentecostes gipanghimatud-an man sa tanang uban pa nga bahin sa Kasulatan. Dili siya makighilambigit sa kung unsa man nga organisasyon, pag moabot si Elias. Masuko siya sa mga kababayen-an sama sa gibuhay ni Elias kaniadto, sama sa...o dautang mga kababayen-an diay, sama sa gibuhay ni Juan kaniadto. Siya'y mamahimong usa ka mahigugmaon sa kamingawan sama kanila kaniadto. Wala siya'y pagasayloan. Nagahulat kita kaniya nga moabot. Moabot siya! Miingon ang Dios nga moabot gyud siya, ug maania na siya dinhi!

<sup>92</sup> Nagatoo ako, nga kung unsa man, ang Mensahe nga aduna kita sa karon mao ang magauga sa iyang halangdong pag-abot. Oo, sir! Paingon na siya, og natawo na. Sama ni Elias kaniadto, nga kalit lang mitungha gikan sa kamingawan, sa kon asa man igapaila pud niya ang iyang kaugalingon. Iwali niya ang Mga Buhat 2. Ipahibalik niya ang Pagtoo sa Pentecostal nga mga amahan kaniadto ngadto sa...ang pagtoo sa Pentecostal nga mga anak, pabalik mismo sa Pagtoo sa Pentecostal nga mga amahan. Mobalik siya mismo, sa Mga Buhat 2, Mga Buhat 2:38, og sa tanang uban pa nga bahin. Ipahayag niya ang tinuod, og walay-sambog nga Ebanghelyo. Dili siya magkaaduna og unsa mang kahilambigitan kang Jezabel ug sa sistema niini. Siya'y mamahimong usa ka alagad sa Dios. Sigurado gayud! Ang Biblia miingon nga moabot siya. Magapropesiya siya ug ipalanog ang iyang Mensahe sa atubangan mismo sa mga Jezabel, sama ra gayud sa gibuhay ni Elias ngadto sa Israel sa sinugdanan. Mao nga pagadumtan nila siya! Dili sila makigtimbayayong kaniya. Dili, dili. Moabot gyud siya! Gisaad kana sa Dios, ug motungla siya sa esena. Siya'y—magawali siya sa Pinili nga Iglesia sumala sa gikaingon Niini nga buhaton niya, nga pagauyogon ang Pinili, uyogon pagawas ang pagka-karnal niini, ang—ang kalibutan ug mga ingon-anang butang, pagauyogon kini, daw sa pabukalan kini, og hiusahon ang Iglesia, ingon nga usa ka katawohan.

<sup>93</sup> Kabalo ko nga moingon mo, “Ang akong denominasyon kana.” Igsoon, sayup ka! Miabot si Juan ingon nga pang-usa lang ka tawo nga sistema aron ipaila ang Usa ka Tawo: si Jesus Cristo. Ug ang maong Elias dili siya mamahimong usa ka sistema, kondili usa siya ka tawo, mao kana'y giingon ni Jesus. Usa kini ka tawo nga dinihogan sa Espiritu Santo. Ug dili siya magapaila og unsa mang tulo o upat ka dios, Usa lang ang ipaila niya: ang Ginoong Jesus Cristo, tungod kay ang iyang Mensahe mao man



ang magauyog sa Pentecostal nga mga anak pabalik sa Pagtoo sa mga amahan pag-usab.

<sup>94</sup> Hinumdumi ninyo, igsoon, kung ginasulti ko kining mga butanga para magsinalbahis, nan kinahanglan kong maanaa diha sa altar. Ginasulti ko kaninyo, “MAO KINI ANG GINAINGON SA GINOO!” Kung wala ginapanghimatud-an sa Dios nga ang ginasulti ko sa inyo maoy Kamatuoran, sa tibuok nasud, sa tibuok kalibutan, nan isulti n’yo sa ako kung asa ang sayup. Pero ang Kamatuoran mismo ang ginasulti ko sa inyo! Pamalik mo sa Dios, sa gilayon! Panggawas na mo gikan niana nga mga sistema, tungod kay miingon ang Biblia diha sa Basahon sa Pinadayag, nga ang herarkiya sa Romano Katoliko usa ka “bigaon,” ug siya mao ang “inahan sa mga bigaon.” Unsa man kana? Mga kaglesiahan, mga sistema.

<sup>95</sup> Ug asa man diay ang iglesiang Methodist, asa man ang iglesiang Lutheran, naggikan? Asa man ang Methodist, Baptist, asa man diay naggikan ang tanang mga organisasyon? Nga ang Dios wala man sukad-sukad nag-organisa og usa ka iglesia. Ginaingon sa iglesiang Katoliko nga sila kono ang una kaniadto, “Giorganisa ni Jesus ang iglesia.” Gusto kong—gusto kong ipakita n’yo ang panid sa kasaysayan, o ang panid sa Biblia. Ngani wala man ni usa ka organisasyon sulod sa tulo ka gatus ug unom ka tuig human sa pagkamatay sa kaulahiang apostoles, og gitukod na dayon nila ang Konseho sa Nicaea ug naghimo og organisasyon. Ug sa dihang migawas si Luther . . . usa siya ka halangdon nga tawo sa Dios, apan sa diha nga mitaliwan na siya, nagpadayon kadtong gamay’ng grupo sa mga tawo ug nagtukod og usa na usab ka organisasyon. Dayon mikunsad ang Balaang Espiritu kang John Wesley, wala siya’y giorganisa nga bisan unsa man, pero human nga mitaliwan na siya didto na dayon nga nag-organisa sila. Pagkahuman mikunsad ang Espiritu Santo sa mga Pentecostal, ug nanggawas sila gikan sa Methodist. Ug unsa ma’y nahitabo? Pagkahuman nag-organisa na pud *sila*.

<sup>96</sup> Pero may motungha gayud nga pang-usa lang ka tawo nga sistema nga may gahum ug pagdihog ni Elias, aron matuman ang propesiya. Alleluyah! Pagauyogon niya kini. Ug, hinumdumi n’yo, nagpropesiya siya kanila, ug nagpropesiya, ug gisulti kanila ang tanang butang, ug namuhat ang Dios pinaagi kaniya. Apan ang kaulahian niyang Mensahe mao ang kondenahon ang White House. Uh-huh. Kaniadtong miabot si Juan, ang kaulahian niyang Mensahe mao ang kondenahon ang White House niadtong panahona. Ang kaulahiang Mensahe ni Elias, kaniadtong nagalakaw siya sa dalan niadtong buntaga human nga maanaa didto sa Presensiya sa Dios, nagalakaw niadto nga dalan nga puno og balhibo ang tibuok niyang lawas, nagasinaw ang upaw niya nga ulo, ginahangin ang iyang balbas, kadtong gagmay, niyang mga mata nagadan-ag sa himaya sa Dios. Dala kadtong sungkod sa iyang kamot, ug ang iyang mga tiil ingon

gayud ka lig-on. Unsa ma'y gibuhat niya? Nagalakaw gikan mismo sa Samaria paingon sa atubangan sa White House, ug nagaingon, "MAO KINI ANG GINAINGON SA GINOO!" Wala gyu'y unsa man nga gikahadlok. Gibalibaran na siya sa mga iglesia, gibalibaran na siya sa mga tawo, busa himoon na niya ang kaulahian niyang pagkondena, ngadto sa White House.

<sup>97</sup> Dayon unsa ma'y nahitabo human niadto? Paminaw mo! Human niadto nga pagkondena, nahilum na dayon ang iyang tingog, wala na'y si kinsa man ang nakadungog pa kaniya. Gitawag na siya sa Dios palayo sa esena, ang ingon, "Elias, humana man nimong napahayag ang imong Mensahe sa tibukok Israel, hingsayran na nila Kini. Karon umari ka dinhi sa kamingawan, pahilayo ka kanila, ihimulag mo ang imong kaugalingon tungod aduna Ako'y pagabuhaton. Ipakita Ko kanila kung unsay mahimong sangpotan pag balibaran ang Akong Mensahe." Unsa ma'y nahitabo? Gubat, kagutom, pagkagutom.

<sup>98</sup> MAO KINI ANG GINAINGON SA BALAANG ESPIRITU, "Matikdi n'yo kung unsay moabot! Matikdi n'yo kung unsay mosunod! Adunay kagutom, *magkaaduna* ug kagutom!" Oh, tingali'g dili sa tinapay, kondili sa pagpatalinghug sa Pulong sa Dios ug sa Iyang Kamatuoran. Ang tanang mga kaiglesiahan makighilambigit ug padayon sa gihapon nga mahidangat diha niana mismo, ingon nga dugay na sila nga gilamoy niana.

<sup>99</sup> Unsa ma'y gibuhat ni Elias? Nakakaplag siya og tinago nga tubod, didto sa bukid kon diin siya nagakuha og Tubig sa Kinabuhi, Balaanon nga mga kapadayagan gikan sa Dios samtang atua siya didto ilalum sa gahum sa Dios. Ang mga kapadayagan nga mao ang gamay'ng tinago nga tubod, samtang nagakagutman ang tanang uban pa kanila. Ug gipanalanginan sa Dios ang Iyang mga sulogoon (kadtong mga uwak), gidalhan nila siya og makaon samtang napahimulag siya sa mga tawo. Ug atua sila didto sa ubos nga nagakagutom para sa rebaybal ug samtang nagakahitabo kadtong tanan. [Blangko nga bahin sa teyp—Ed.] "Wala ko na nadungog ang iyang mga rebaybal sa . . . Hain na ba kadtong tigulang nga sapoton nga nagalibot og ginasaway ang atong mga organisasyon? Hain na ba siya karon?" Wala sila mahibalo. Mipahilayo siya mismo para mamaana sa Dios, didto sa usa ka linain nga dapit kon diin dili na nila madungog ang iyang tingog. Dayon hinayhinay na nilang nakita.

<sup>100</sup> Sa diha nga nagapadala ang Dios og usa ka Mensahe ug ginasultihan ang mga tawo, ug unya dili nila dawaton Kini, kung ingon-ana ipahilayo Niya ang Iyang alagad ug ipadala ang Iyang mga hampak: kagutom, kamatayon (sa espirituwal nga pagkasulti, og sa pisikal usab). Bantayi ninyo ang pagkunhod sa ekonomiya, igsoon. Ginahunahuna ninyo nga aduna na kamo'y nakita, pero hulata lang ninyo sa dili madugay. Wala pa ninyo nakita. Gahunahuna mo nga naghimalatyon na kamo tungod

nga wala na og usa ka maayong espirituwal nga rebaybal, pero hulata lang ninyo sa dili madugay. Paghulat lang mo, nga nagapangandoy ug nagatuaw nga madungog ang Pulong sa Dios. Mao kana ang giingon sa Biblia! “Magkaaduna og kagutom sa kaulahiing mga adlaw,” miingon ang propeta, “ug dili lamang sa tinapay ug tubig, kondili sa pagpatalinghug sa tinuod nga Pulong sa Dios.” Tungod kana nga tingog mohilum na man, og nga didto na sa kamingawan sa kon asa man, nga natago.

<sup>101</sup> Nagtagana Siya og mga uwak, nga Iyang mga sulogoon. Gipanalanginan kadto nga mga langgam, nga Iyang mga sulogoon, nga nagpapabilin sa tingog ni—ni Elias nga buhi niadtong panahon sa iyang—iyang paghimulag gikan sa iglesia. Ang mga uwak nagadala kaniya og karne ug tinapay inig mabuntag, ug karne ug tinapay inig magabii, ug nagainom siya gikan sa gamay’ng tuboran samtang ang tanang uban pa kanila atua didto nga walay unsa mang espirituwal nga pagkaon ug tubig.

<sup>102</sup> Dayon usa niadto ka adlaw, human sa grabe nga pag-antus tungod sa sala, ug nga gipaluhod gayud sa Dios ang Iyang katawohan. . . gikuha ni Jezabel ang tanan-tanan, nga halos wala na gayu’y gibilin niya, ug buhaton niya kini pag-usab! Kana’y MAO KINI ANG GINAINGON SA BALANG BIBLIA SA DIOS, “Buhaton niya kini pag-usab.” Anaa na man siya karon sa trono, nga nagapaluyo sa tawotawo lang nga lider; ginatuis kini sa unsa mang paagi nga gustohon niya, og walay si kinsa man ang makapahunong kaniya. Tinuod gayud, walay si kinsa man ang makapugong kaniya karon, tungod kay ang dili nila makuha pinaagi sa pang-relihiyon nga mga kapunongan ila mang ipaagi kini—ipaagi kini sa pulitika, ug gibuhat na gani nila kini. Uh-huh, mao kana mismo ang gibuhat nila. Nga, ang pulitika mamahimong usa ka pagboykot nga mopaingon mismo sa marka sa mapintas nga mananap, sa ingon ka sigurado nga nagatindog ako dinhi, kita n’yo, maingon sa gisulti sa Biblia.

<sup>103</sup> Kabalo ko nga nagabhian na kita, mao nga dalion ko na. Kinahanglan kong isulti sa kining ulahing pulong, kung tugotan ko sa Ginoo.

<sup>104</sup> Matikdi! Nagpabilin ra didto si Elias hangtud nga gipalihok siya sa Dios. Wala siya’y mga rebaybal didto. Wala pud siya’y giwalihan. Nagpabilin siya mismo didto kauban ang Dios lamang, didto sa kamingawan, tungod kay usa man siya ka tawong lasangnon. Midaku siya sa kamingawan. Mao man usab si Juan nga midaku pud sa kamingawan.

<sup>105</sup> Miadto siya sa kamingawan nga nag-inusara kauban ang Dios, tungod gipahilayo man siya gikan sa iglesia human niyang gipahayag ang iyang Mensahe. Ug gibalibaran Kini sa iglesia, gibalibaran Kini. Ug sa katapusan wala man gyu’y gibuhat ang mga organisasyon, mao nga kinahanglan na niyang mopahilayo

didto. Gitawag siya sa Dios gikan sa esena, og gidala siya didto sa kamingawan, ang ingon, “Umari ka na dinhi, tungod dili na man sila maminaw. Umari ka, og pagkahuman ipahamtang Ko ang Akong paghukom diha kanila.” Oh, oo, mamaania siya dinhi usa sa niining mga adlaw, matikdi ninyo.

<sup>106</sup> Dayon, human sa mga adlaw sa iyang pagpropesiya, unsa na ma’y nahitabo? Naluya ang iglesia, tungod sa hilabihan nga kalisang kang Jezabel, gisakop niya silang tanan, og gilamoy silang tanan. Gisakop niya sila, ug nagpahimo og mga dios-dios nga gigama sa kahoy ug tanan nang uban pa.

<sup>107</sup> Pero, usa niadto ka adlaw, gitawag siya pag-usab sa Dios! Ania siya nga migawas na. Paminaw mo og ayo karon, ug ayaw baya mo’g kasuko sa ako. Ang ginasulti ko, “MAO KINI ANG GINAINGON SA GINOO!” Sa dihang migawas siya, unsa ma’y gibuhat sa Dios? Iyang gipadala siya ngadto sa usa ka balo. Ang maong babaye adunay usa—usa ka lalaki kaniadto nga mao’y nangulo kaniya, pero gikinahanglan ang kamatayon para makahilwas siya aron nga matoohan niya ang Pulong sa propeta. Namatikdan ba ninyo kana? Aduna siya’y bana nga naggiya kaniya paingon sa niini nga dalanon ug sa niana nga dalanon, sa usa sa mga tulonghaan didto. Apan niadtong panahon sa dakung hulaw, gisakmit ang lalaki, og gikuha siya sa kamatayon. Mao nga ang babaye dili na konektado sa unsa mang organisasyon, busa andam na siya kaniadto nga patalinghugan ang Pulong sa Ginoo. Ang usa ka babaye, nga nagakahulogan og Iglesia; usa ka balo, nga ang iyang bana (ang organisasyon) namatay na, ug ngani dili niya halos mahunahuna kon mabuhi ba siya nga siya na lang. Ug miingon ang Dios, “Umadto ka sa maong babaye karon, manalinghug siya kanimo, tungod gisugo Ko man siya.”

<sup>108</sup> Oh, ginahunahuna nato usahay, kamo nga gamay’ng pundok dinha nga maunongon gayud ug ginabuhat ang tanan nga mahimo ninyo para lang makapahigayon og usa ka panagtigum, sa pagpaninguha nga ipakita sa mga tawo nga husto ang inyong kasingkasing ug nga ginatinguha ninyo nga mahusto pud sila, og ginahunahuna ninyo nga nagkalisud na gyud kamo. Pero, hinumdumi n’yo, nga ang Dios anaa ang Iyang mata nagatan-aw kaninyo! Gihigugma n’yo Siya, nasayod ko nga gihigugma n’yo Siya, kay kon dili pa nan dili unta kamo manglingkod dinhi, dili unta kamo motambong sa ingon-aning butang. Ang Dios anaa gyud ang Iyang mata nagatan-aw kaninyo. Oo!

<sup>109</sup> Ug sa diha nga ang bana, niadtong namatay na ang bana sa babaye, namatay na ang iyang organisasyon, mao nga andam na siya nga patalinghugan ang Pulong sa propeta. Busa pag-abot sa propeta sa may ganghaan ug nangayo sa babaye og—og diyutay’ng tubig, miadto dayon ang babaye ug mikuha og tubig. Pagkahuman miingon ang propeta, “Hatagi ako og usa ka tinapay.”

110 Ug miatubang siya ug miingon, “Ingon nga ang Ginoo buhi, wala ako’y unsa man kondili igo lamang.”

111 Bueno, daw sa gipadala lang didto ang propeta aron kuhaon kadtong diyutay na lang nga aduna ang babaye, pero bali diay. Sa diha nga andam siya nga ihatag kung unsa man ang anaa kaniya aron suportahan ang Pulong, gipakaon siya sa Dios. Ug kung andam kamo nga ihatag ang Espiritu nga aduna kamo, ang Espiritu nga gihatag kaninyo sa Dios aron suportahan ang Pulong, kung ingon-ana ipapabilin kamo nga buhi sa Dios. Alleluyah! Oh, himaya sa Dios! Nasabtan n’yo ba, iglesia? Ayaw n’yo hunahunaa nga nawala na ako sa akong kaugalingon, wala gyud baya. Pero kung unsa kanang anaa kaninyo, kanang diyutay nga pagtoo ninyo sa Dios, ang pagtoo nga aduna kamo, ipahimutang n’yo kana sa Pulong, dili sa organisasyon! Ipahimutang kana sa Pulong sa Dios, og ipapabilin Niya kamo nga buhi.

112 Andam na siya niadtong tungora, ingon nga dili man niya mahimo kaniadto, tungod kay dili man nila tugotan siya. Pero andam na gyud siya kaniadto. Dawaton kaha niya kadto? Nagpadala man ang Dios og propeta sa iyang dalanon. Dawaton kaha niya ang Pulong sa propeta? Dawaton kaha niya kadtong propeta? Oo, gidawat gayud niya. Ug gisultihan siya sa propeta, ang ingon, “Karon, kanang diyutay nga kinabuhi nga aduna ka, ipahimutang kana dinhi, ihatag kana sa ako una.” Ug unsa ma’y nahitabo? Samtang ang uban pa sa kalibutan nangaluya ug naghimalatyon tungod sa kagutom, pero ang maong babaye ug ang iyang mga anak ug iyang panimalay nagakaon og tulo ka lamian nga pagkaon sa matag adlaw, Balaanon nga kapadayagan sa Pulong. Nagalaum ako nga nakita n’yo kini, mga higala.

113 Unsa na ma’y nahitabo? Nagpabilin didto ang propeta hangtud nga natapos ang kagutom, nagakinabuhi kauban kining babaye (kining Iglesia) nga midawat kaniya ug mitoo sa iyang Pulong. Ug gipapabilin niya siya nga buhi (gipapabilin ang Iglesia nga buhi) pinaagi sa Pulong sa Ginoo, tungod kay miingon man ang propeta “MAO KINI ANG GINAINGON SA GINOO.”

114 Karon, wala na kita’y igong oras para hisgotan ang uban pa nga bahin sa istorya, kabalo mo, kung unsa nga miabot siya kaniadto sa pagpakingsangka kang Baal. Buhaton pud niya kana, usa sa niining mga adlaw, ayaw kamo’g kabalaka. Sa diha nga motungha siya gikan sa kamingawan, matikdi n’yo kung unsay mahitabo.

115 Unsa ma’y nahitabo? Sa diha nga ang maayo, nga tigulang nga si Elias, ang propeta, nga usa ka tinuod nga alagad sa Dios, miabot na sa katapusan sa iyang panaw, gisultihan siya sa Dios, usa niadto ka adlaw, ang ingon, “Elias, dugay na man

ka nga nagwali. Imong gipakig-awayan si Jezabel ug ang tanan niyang pamintal ug tanan-tanan na hangtud nga gikapoy ka na gyud niini.” Ingon pa, “Umadto ka sa Jordan!” Ug atua siya miadto, og nakadangat siya sa Jordan. Didto sa lapokon nga sapa nga nagadagayday didto, ang mabugnaw, mabugnaw kaayo nga tubig, sama sa siguradong pagaatubangon sa matag tawo: ang Jordan, ang kamatayon.

<sup>116</sup> Apan sa diha nga kining halangdon nga alagad sa Dios naglakaw na paingon sa Jordan, ug ang iyang anak nagalakaw tupad niya, anak niya sa Ebanghelyo, . . . Oh, oo, anak niya kadtong lalaki, “Amahan ko, amahan ko, ang mga carro sa Israel, og ang mangangabayo niini.” Sa diha nga nagalakaw sila sa iyang anak nga nag-inagbayanay, didto paingon sa Jordan, ginatan-aw niya niadto ang iyang amahan nga mobiya na niadtong buntaga.

<sup>117</sup> Sa pagdangat niya ngadto sa Jordan, mituyhod siya ug gihukas sa iyang abaga kadtong kupo sa gahum, og miingon, “Kamatayon, wala ka’y unsa man nga mahimo kanako.” Ug gihampak niya ang Jordan, “Padaplin, motabok na ako niining buntaga.” Unsa ma’y nahitabo? Mipadaplin ang tubig ug namala nga mora’g abo. Unsa ma’y gibuhat niadtong tigulang nga propeta? Nagalantaw siya latas sa Jordan, og nasayod siya mismo nga adunay carro nga may mga kabayo nga nagahulat kaniya didto. Pauli na siya, humana man ang iyang buluhaton. Ang iya nang anak sa Ebanghelyo ang mopuli kaniya.

<sup>118</sup> Pauli na ako niadtong miaging adlaw gikan sa Kasadpan. Misantop kini sa akong hunahuna. Gipatukar ko ang radyo (tulo ka adlaw man ang akong biyahe, baynte-kuwatro ka gatus ka milya, og nag-inusara lang ko). Gipatukar ko ang radyo ug ako . . . naminaw ko sa espirituwal nga mga tulumanon sa Del Rio, Texas. May usa ka lalaki didto nga nakighinabi sa usa ka tigulang, itum, negro nga lalaki. Ang maong tigulang nga lalaki hapit na nga mamatay ug siguradong moadto na siya ngadto sa suba, ingon siya, “Kadtong bulawan nga mga sandalyas pagasul-obon ko na unya, sa paglakaw ko sa bulawan nga kadalanan.” Kining tigulang nga negro nagwali gayud sa tibuok niyang kinabuhi ug ang bugtong butang nga mahunahuna niya nga makapahupay sa iyaha, nga aduna siya, mao ang iyang daan na nga banjo nga nakasab-it sa bungbong. Milingkod siya ngadto sa dagkung mga bugkos sa galapog ug mitugtog og mga himno, gipapahulay ang iyang kaugalingon gikan sa iyang pagministerio, pinaagi niadtong daan na nga banjo. Mao kadto ang paagi nga nahunahuna niya, para makapahulay. Ingon siya nga kadtong tigulang nga kabayo nga mubo og ikog nga iyang ginasakyan kaniadto mamaatua pud kono didto uban ang carro. Napamalandongan ko usab ang bahin niadto. Ingon siya, “Kadtong bulawan nga mga sandalyas pagasul-obon ko na unya, sa paglakaw ko sa bulawan nga kadalanan.”

119 Ug sa nahuman na siyang nag-awit, gipalong ko na ang radyo. Ug sa nagadrayb ko didto, nagahawid sa manobela. “Oh, tinuod gyud. Siguradong mahiadto usab ako didto. Unsa pud kaha ang makapahupay kanako? Asa kaha nako makaplagan ang akong kahupayan sa kamingawan?” Aduna man ko’y usa ka gamay’ng, karaan na nga riple nga ginatawag og... Nagapangayam ako gamit kadto inig tinglagas nga panahon sa tuig. Usa kadto ka .270, 721 nga modelo, nga Remington. Usa ka igsoong, lalaki, ang naghatag niadto sa ako, sa California, pipila na ka tuig ang milabay. Nagapangayam ako gamit kadto sulod sa daghang mga katuigan. Daw sa... daw sa unsa nga kahupayan kadto, tungod kay ako—kabalo ko nga usa gyud kadto ka maanindot nga ripleng igpangayam, ug kadto mao’y akong kahupayan sa kamingawan.

120 Nahunahunaan dayon nako ang mahitungod sa akong panan-awon. Sa dihang atua na kono ko didto ug nakita ko ang tanan kong mga tawo, dunay nadungog ko nga pagbahihi, ug atua miduol ang akong gamay’ng si Prince (ang akong gamay’ng kabayo nga ginasakyan kaniadto) ug gisandig niya ang iyang ulo sa akong abaga. Nahunahuna ko, “Oo, usa sa niini nga mga buntag mahiadto man usab ako, ngadto sa Jordan.” Ug kadtong karaang .270 nga akong ginagamit kaniadto... nakasab-it sa bungbong. Ngani wala ko na kadto nagamit didto sukad pa niadtong nangaging tinglagas. “Kadtong gamay’ng kabayo nga akong ginasakyan kaniadto, ipayugo kadto sa Dios sa akong carro, niana nga buntag pag mahiadto na ako sa suba.” Magatindog kadto didto mismo sa tabok sa suba. Ipadala siya sa Dios, nakita ko siya niadtong miaging gabii. Ipayugo siya ngadto sa akong carro, usa sa niini nga mga buntag. Motaliwan ako, nga magasakay sa mga panganod.

Mag-ampo kita.

121 Oh, magakalipay gyud ako tungod sa gahum sa Dios samtang magalakaw ako niadtong bulawan nga kadalanan! Oo, ang karaang riple nga nakasab-it karon sa bungbong, wala na unya’y gamit nianang panahona. Akong nahunahuna, kung moabot na ang akong carro, ang akong gamay’ng kabayo nga ginasakyan kaniadto nga nakita ko sa panan-awon nakayugo ba kaha sa akong carro, nianang buntaga, pag atua na ako didto sa suba. Nagalaum ako nga mao gayud unta. Ingon nga ginatinguha ko gayud nga malalin ngadto sa itaas. Ginatinguha ko nga malalin usab ang Iglesia ngadto sa itaas nga sama niana, ginatinguha ko gayud nga ang matag usa unta kaninyo.

122 Gusto ba ninyong mahibaloan kung mahiadto na kamo ngadto sa Jordan? Mahimo ba ninyo nga talikdan na kining dautan nga mga sistema niining kalibutana ug dawaton si Jesus Cristo ingon nga inyong Manluluwas? Kung dili ka pa usa ka Cristohanon, mahimo mo ba nga ipataas ang imong mga kamot ug moingon, “Iampo ako, Igsoong Branham. Pag mahiadto na

ako sa Jordan, . . .”? Panalanginan ka sa Dios. Panalanginan ka sa Dios. “Pag mahiadto na ako sa Jordan, ginatinguha ko nga gamiton ang gahum sa Balaang Espiritu nga ania kanako ug hampakon ang mabugnaw nga mga tubig, ug motabok.”

<sup>123</sup> Ginaunsa man ninyo paglingkod ilalum sa niini nga pagpamulong, sa pagdihog sa Balaang Espiritu, ug nasayod na nga ginasulti kanako sa Balaang Espiritu ang inyong kahimtang, ug wala gihapon ninyo gipataas ang inyong kamot? Nagapakita kana nga panahon na mismo para sa pagpanaw sa kamingawan! Aduna ba sa dili pa kita mag-ampo, aduna pa ba? Aduna na’y duha nga nagpataas sa ilang mga kamot; tulo, panalanginan ka sa Dios, anak.

<sup>124</sup> Langitnon namong Amahan! Dunay tulo; pagkaanindot, Ginoo, kung sila—kung maatua gayud sila didto nianang adlaw. Ginaampo ko nga mamaatua sila, Ginoo. Gipataas nila ang ilang mga kamot tungod kay kumbinsido man sila nga naghimalatyon na kining mga sistema sa kalibutan, ug ang mga tingog sa Pulong sa Dios malisud na gayu’ng hikaplagaan sa dili madugay, ingon nga pagakuhaon na kini sa Dios gikan sa iglesia. Ang pagsinggit, ang pagtawag sa Pamanhonon mobiya na sa dili madugay ug pahilumon kini sa sistemang Jezabel. Apan ginatinguha gyud nila nga magkaaduna. . . mabuhi pinaagi nianang tinago nga tubod sama ni Elias nga gitipigan sa panahon sa kagutom. Dios, ihatag kanila ang Espiritu Santo karon, pun-a ang ilang mga kasingkasing og gugma’g kalinaw, ug isentro ang ilang mga hunahuna diha sa Pulong sa Dios aron nga mabuhi gayud sila karon ug sa umalabot, hangtud sa kahangturan. Panalangini sila, Amahan. Sila’y mga Imoha, pinaagi ni Jesus Cristo nga among Ginoo.

Samtang nakaduko ang atong mga ulo:

<sup>125</sup> Sila nga nagpataas sa ilang mga kamot ug gustong dawaton si Cristo, mahimo ba nga motindog lang sa kamo, sa makadiyut, samtang magaampo ako nga tagsa-tagsa para kaninyo? Tindog lang mo.

<sup>126</sup> Oh Dios, napakyas ba ako? Ingon nga tulo lang ang nagpataas sa ilang mga kamot, og nga wala man lang og kombiksyon nga motindog aron dawaton ang mismong butang nga ilang gibuhat. Ginoong Jesus, ginatugyan ko kining tanan nganha sa Imong mga kamot. Giwali ko na ang Imong Pulong, ug wala gyud ko nagpakigkompromiso bisan usa. Karon ako—ibilin ko kanila ang panimalay, Amahan. Buhata ang angayan para sa iglesia ug sa Imong alagad, kining tanan anaa na sa Imong mga kamot.

<sup>127</sup> Amahan, ginaampo ko nga luwason Mo ang mga nahisalaag, busoga og mga maayong butang ang mga gutom nga kasingkasing, ihatag ang Kinabuhing Walay Katapusan ngadto sa mga nagakauhaw, ipatungha ang Imong mga alagad aron



ipahayag ang Mensahe, ihatag ang kaayohan sa mga may sakit ug sa mga nanag-antus, angkona ang himaya alang sa Imong Kaugalingon, kay ginatugyan ko ang akong kaugalingon diha sa Imong Pulong. Ug sa akong kamot, ug sa akong kasingkasing, ug sa akong hunahuna, isulat ang Imong mga kasugoan, pinaagi ni Jesus Cristo nga among Ginoo. Amen.

Pag mahiadto na ako sa suba sa katapusan sa panahon,

Dili ko kana awiton.

Ug daw sa ang tanan kong mga higala wala na;  
Adunay Usa didto nga magahuhat nga mao'y  
magtultol kanako sa dalan,  
Ako dili na mag-inusara sa pagtabok sa  
Jordan.

<sup>128</sup> Nanghatag ka ba og mga prayer kard, Bill? Mibati ko og kabug-at. Unsa ma'y gipanghatag mo karong adlaw? B? Nanghatag sàb ka og mga A, dili ba? Sige, tawaga ang mga B una, uno hangtud . . . Prayer kard B, numero uno. Iampo nato ang inyong sakit. B, numero uno, kinsa'y aduna niini? Prayer kard B, numero uno, mora'g usa nga anaa dinha sa luyo. Duol na ngari, gining. B, numero dos, ipataas ang imong kamot. Kana ba nga gining? Numero tres. B, numero tres, mahimo mo ba nga ipataas ang imong kamot palihog, aron akong makita kung asa. Tres? Numero kuwatro, B, numero kuwatro. B, numero singko. Mahimo mo ba nga ipataas ang imong kamot palihog? B, numero singko. Kana ba nga lalaki? Sige, sais, siete, otso, nuebe, diyes, onse, dose, trese, katorse, kinse. Bueno, ania, patindoga na ang tanang B, kung mahimo. Basta . . .

Kana . . . [Blangko nga bahin sa teyp—Ed.] . . . nakasangyaw na sa tibuok kalibutan, matag misyonaryo sa natad sa pagpangmision, kon asa man nga mahimo nila.

<sup>129</sup> Ang tanang prayer kard B motindog lang ug pagpuwesto mo sumala sa inyong mga numero.

Karon, unsa ma'y sunod? A? Kinsa ma'y aduna og prayer kard A, uno? A, uno, asa na man? Sigurado nga anaa ra kana dinhi. A, uno? Napanghatag man gud kini mga duha na ka adlaw, o tulo na karon, busa tingali'g wala na sila dinhi. Tanan nga may prayer kard A, karon paglinya na mo dinhi dapit. Tindog lang mo dinha sa may bongbong, nga may pagtahud gayud.

<sup>130</sup> Buot ko nga makig-istorya sà kaninyo nga mga walay prayer kard, kadali lang sa dili pa sugdan ang linya.

<sup>131</sup> Karon, sa mga dunay prayer kard, kupti lang ninyo kana diha sa inyong mga kamot aron makuha sa mga kalalakin-an ang inyong prayer kard. Dugay baya mong naghulat, ngani mianhi mo og sayo karong hapon para makakuha mo og prayer kard, ug magkaadunay katungod nga makaduol sa linya. Gisaad ko man

kaninyo, nga iampo ko kamo. Mao nga karon paningkamotan kong tumanon ang akong saad, tabangan unta ako sa Dios.

<sup>132</sup> Imoha ba kanang anak nga lalaki? Matahum kaayo nga gamay'ng lalaki. Pasensya na. Kining babaye dinhi usa mismo ka maayo nga ehemplo sa usa ka tinuod nga Amerikano. Ang iyang batang lalaki, nakasul-ob og gamay'ng overall ug may badlis-badlis nga jacket. Kining batan-ong babaye adunay hataas nga buhok, maanindot og binistihan. Panalanginan siya sa Dios ug ang iyang panimalay, ug ang iyang bana, ang iya sàb nga mga minahal sa kinabuhi. Ingon niana gayud ang tinuod nga U.S.A., nga ang "pagka-Cristohanon" nakasulat mismo sa ibabaw niini. Hinaut nga ang atong nasud molungtad nga ingon niana! Pasensya na, gamay'ng gining, kon nasulti ko kana, pero ako lamang. . . aron nga makita gyud sa mga tawo kung unsa ang ginahunahuna ko nga hitsura sa usa ka Cristohanon; walay manikyur, kung unsa man kana nga butang, kondili ligdong gayud nga gining.

<sup>133</sup> Panalanginan ka sa Dios, Igsoong Sullivan.

<sup>134</sup> *The Great Physician*, kung mahimo.

The Great Physician now is near,  
The sympathizing Jesus;

<sup>135</sup> Nagatoo ka ba Kaniya? Nagatoo ka ba nga Siya mao ang Gamhanang Mananambal? Karon magmatinahuron lang sa makadiyut. Aduna pa kita'y gamay'ng oras, gimub-an ko man gud ang mensahe. Pero nagalaum ako nga nasabtan ninyo, bisan pa man, kung unsay buot ipasabot niadto. Tumoo lang kamo sa tibuok ninyong kasingkasing. Pag makalinya na silang tanan, kung mahimo aduna unta dinha sa luyo ang maghan-ay sa mga tawo sa linya. Okey ba? Unsay sulti? Karon nanagtindog na ang tanan nga adunay prayer kard.

<sup>136</sup> Nagatoo ba usab kamo, dinha, kamo nga mga walay prayer kard? Kung magmaaduna gyud kamo og pagtoo, nan tawgon *kamo* sa Dios. Karon, ang tanan nga may prayer kard anaa na sa linya.

<sup>137</sup> Kanang batang babaye nga nagalingkod dinha sa luyo, nga may problema ang bitiis, dinhi dapit niining. . . Nagatoo ka ba nga ayohon kana sa Dios? Kung nagatoo ka, magmaaduna gayud og pagtoo ug itugot kini sa Dios para kanimo.

<sup>138</sup> Ginahunahuna mo ba nga maulian ang imong amahan nga may sakit? Kon nagatoo ka, nan madawat mo kini.

<sup>139</sup> Ikaw usab dinha, nga nagaampo para sa imong pag-umangkon nga lalaki nga may sakit nga nerbiyos? Sa hunahuna mo ba ayohon siya sa Dios? Gining, nga nagalingkod dinha, kung nagatoo ka, nan madawat mo kini.

<sup>140</sup> Kamong tanan motoo na ba kamo?

141 Karon buot ko. . . Pila man sa akong mga kaigsoonan nga ania karon, mga magwawali sa Ebanghelyo, mga magwawali sa Full-Gospel o unsa man kamo, ang nagatoo sa Balaanong pagpang-ayo? Ipataas n'yo ang inyong mga kamot. Buot ko nga moduol kamo dinhi ug tabangan ako nga mag-ampo para niini nga mga tawo, aron makita sa mga tawo nga dili lamang ako ang nagaampo para sa mga tawo, kondili kamo usab. Duol lang mo ngari ug motindog sa entablado uban nako. Mahimo ba, mga igsoon, nga mga ministro? Duol lang mo ngari ug motindog dinhi mismo sa entablado. Maayo. Salamat, mga igsoon. Salamat. Duol lang mo ngari, mga igsoon, duol lang.

142 Unsay sulti mo? [Nagaingon ang igsoong lalaki, "Puede ba nga mohimo kita og duha ka linya dinhi?"—Ed.] Oo, puede. Paghimo mo og duha ka linya dinhi mismo, maayo hinoon. Maayo. Karon atubang ka dinhi sa pikas, igsoon. Atubang mo dinhi nga direksyon, dinhi man gud nako paagion ang mga tawo. Karon ang pipila kaninyo duol mo dinhi sa akong kilid, dinhi mismo, kung mahimo, tindog mo dinhi dapit. Mao kana.

143 Karon, sa mga mananambong, nakita ba ninyo kining maayo nga mga kalalakin-an? Mga kalalakin-an sila nga mobarug dinhi, ug mobarug mismo sa niining mao ra nga Ebanghelyo nga akong ginawali. Kita n'yo? Mianhi sila dinhi tungod kay nagatoo sila Niini. Karon angay kamo nga malipay sa inyong pastor nga motindog mismo dinhi niining entablado, nga maisogon, og mabagison nga magawali. Kini sila mga kalalakin-an nga adunay kapadayagan, nga nasayod nga. . . dili ingon nga batok ako sa mga tawo, pero usahay konektado man gud ta sa mga sistema nga nakapahimo kanato. . . Dinha kita batok sa mga sistema; dili sa tawo, nga alagad sa Dios.

144 Karon, kung magkaaduna kita og pagpang-ila para sa matag usa dinhi, sa hunahuna n'yo unsa kaha kadugay nga maania ko dinhi? Matumba na man ko pag mga. . . human sa mga unom, lima o unom, napulo; unsa pa kaha, kung katunga na siguro, o kaupat nga bahin sa linya, makuyapan na gyud ko, og dili na maiampo ang tanang uban pa kanila. Mao nga dili nato puedeng buhaton kana. Ug ingon nga kini. . . pero dili man ninyo kinahanglan nga buhaton kana. Kabalo na man mo sa inyong problema. Kabalo na mo kung unsay nabuhat ninyo, karon isugid n'yo ang inyong mga sala. Kung aduna man sa inyo dinha nga may bisan gamay nga pagduhaduha sa inyong kasingkasing, nan wagtanga kana karon dayon ug sultihi ang Dios nga pasayloon unta kamo. Kung dili pa kamo matarung sa Dios, nan sultihi n'yo ang Dios nga pasayloon kamo. Kung dili kamo mangayo'g pasaylo, ug dili kamo matarung sa Dios, nan dili gyud makahatag og unsa man nga kaayohan kon moduol kamo dinhi. Ginausikan n'yo lang ang inyong oras. Tinuod kana. Karon, husto ba, mga igsoon? Husto kana.

145 Tan-aw mo dinhi. Ania nagatindog si Igsoong Kidd dinhi.

Halos mobuto gud ang mga ligid sa akong sakyanan sa pagpaningkamot nga maadtoan siya, mga usa o duha na ka tuig ang milabay, para . . . Naghimalatyon na siya niadto tungod sa kanser, hapit na gayu'ng mamatay niadtong adlaw. Gisultihan ako sa iyang asawa, miingon, “Pagdali!” Ingon pa, “Mamatay na siya karon.” Pero pag-abot ko didto, giayo siya sa Ginoo. Ug ania siya karon nga nagatindog gihapon. Sa tan-aw ko mora'g *midaku* na gyud ang iyang timbang ug tanan na. Usa siya ka beterano, kaniadto, kabalo mo. Ingon niini nga matang sa tawo ang ginasulti ko, pipila na ka tuig ang milabay, nga nagwali; ug nagpabilin mismo sa Pulong, ug gikataw-an siya sa mga tawo. Ug sila sa iyang asawa nagalakaw sa mga riles sa tren ug tanan nang uban pa, ug didto sa mga kabukiran, ug sa mga minahan sa karbon, ug gigukod sila, ug gibalhog sa bilanggoan, ug tanan nang uban pa. Ingon-ani nga tawo ang nagpakig-away gayud aron lang makab-ot ang ganti, ingon-ani nga matang.

<sup>146</sup> Karon, mga igsoon, sultihan ko kamo, tingali'g wala kamo og espiritu sa pagpang-ila. Dili man kana kinahanglan, kita n'yo, kana—dili kana gikinahanglan. Ang unang butang, kamo'y usa ka tawo sa Pulong. Mas maayo pa gani mo, mas maayo pa nga mga magwawali kaysa nako, tungod kay ako—dili man gyud ako usa ka magwawali. Pero ako . . . pero kamo'y—dinihogan kamo, ang si kinsa man nga tinawag para iwali ang Maayong Balita tinawag usab para ayohon ang mga may sakit; ang pangkinatibuk-ang mga sugo mao ang: “Panglakaw kamo sa tibuok kalibutan ug iwali ang Maayong Balita sa tanang binuhat. Ang nagatoo ug nabautismohan maluwas. Kini nga mga ilhanan maganunot kanila nga nagatoo. Kung pandongan nila sa ilang mga kamot ang mga masakiton,” og uban pa, “mangaayo sila.” Kung tinawag gyud ka para mahimong usa ka ministro, nan tinawag ka mismo para iampo ang mga may sakit.

<sup>147</sup> Ug ang hinungdan nga ginabuhat ko kini mao'y aron kining mga mananambong . . . aron makita nila nga dili nila kinahanglan nga maghulat sa kung kinsa mang espesyal nga tawo, si Oral Roberts, Tommy Hicks, Tommy Osborn, ako mismo, o si kinsa man nga moabot para sa usa ka buluhaton sa pagpang-ayo. Gusto ko nga makita sa mga tawo nga mga tawo kamo sa Dios. Kita n'yo? Tawo kamong . . . Aduna gayu'y katungod nga magpandong og mga kamot diha kang kinsa man kanila sama—sama nako o kinsa pa man. Hinoon, mga igsoon, nasayod man mo, ingon nga—ingon nga mga ministro, nga ang kaugalingon nilang pagtoo sa Dios mao ang nagapamuhat. Husto ba? Igo lang kitang nagahalad og pag-ampo para kanila.

<sup>148</sup> Karon moingon mo, “Igsoong Branham, ang Espiritu sa Balaang Espiritu anaa ba diha kanimo?” Siyempre. Oo, sir!

<sup>149</sup> Karon kaninyo diha sa mga mananam . . . dinha sa linya, kung nagatoo kamo sa tibuok ninyong kasingkasing nga ayohon

kamo sa Dios, ipataas n'yo ang inyong kamot, moingon, "Dawaton ko kini."

<sup>150</sup> Karon, duol na ngari, paduola kining—kinig gining dinhi. Wala ko makaila kanimo, wala pa pud ta ka nakita sukad-sukad. Kung isulti kanako sa Balaang Espiritu, aron nga ang mga igsoon ko dinhi, sa atubangan sama niini, samtang nagatindog silang tanan dinhi sa palibot ko. Ug dili lang kana, ania ang mga igsoon ko, ug ania sab ang akong Ginoo. Ilang Ginoo, usab. Karon, kung isulti Niya kanako kung unsa ang problema kanimo, masayod ka mismo kung tinuod ba kana o dili. Buot ko nga ang mga tawo, buot ko nga ang mga mananambong, buot ko nga ang mga tawo dinha makakita nga ania gayud ang Balaang Espiritu dinhi sa entablado nga mao'y nagahatag og pagpang-ila, pero dili ingon nga ginaayo na ang si kinsa man. Apan kung isulti Niya kanako ang usa ka butang mahitungod kanimo, nga nasayod ka nga wala ko'y nahibaloan, sama lang sa nahitabo niadtong babaye didto sa atabay. . . . Dili ingon nga mao mismo ang kahimtang, kondili ang buot kong ipasabot nga usa ka lalaki ug babaye nga nagtagbo sa unang higayon. Si Jesus kaniadto, nga hamtong na, ug kining babaye tingali'g batan-on pa nga babaye, tingali'g sama nimo.

<sup>151</sup> Ug kung buhaton gyud Niya, nga isulti kanako kung para sa unsa nga ania ka, og ang imong problema, motoo ka ba nga ang Iyang Espiritu ang magabuhat niana? Nagatoo ba kamo mga igsoon? Nga ania nagatindog ang mao ra nga Ginoong Jesus? Kamong mga mananambong nagatoo ba mo sa mao gihapong butang? Kamo nga anaa diha sa linya sa pagpaampo nagatoo ba mo sa mao gihapong butang, ug nasayod nga kining mga kalalakin-an. . . ? Tawgon ko ba sila dinhi kung naghunahuna ko nga dili sila. . . ? Human nga nagwali ko nga ingon niini, ug gisulti ang mga butang nga akong nasulti, ug pagkahuman magatawag ba ko og mga kalalakin-an dinhi nga dili takus? Dili ko kana buhaton. Tungod pagadauton ko lang ang mismong butang nga para niini ako'y nagapakig-away. Kita n'yo? Nagasalig ako kanila. Nagatoo ko nga sila'y mga tawo sa Dios.

<sup>152</sup> Karon tan-awa n'yo kung ang Balaang Espiritu ania ba mismo sa duol. Nagapakig-istorya sa ko kaninyo, ginapaningkamotan ko. . . Moingon mo, "Unsa ma'y ginabuhat mo, Igsoong Branham?" Mao ra mismo sa gibuhat ni Jesus sa maong babaye, miingon, "Hatagi Ako og mainom," nagapakig-istorya sa Siya kaniya sa makadiyut, aron hibaloan kung unsay problema kaniya.

<sup>153</sup> Ang imong sakit mao ang pagka-nerbiyoso, mao kana ang imong ginaantus. Kung husto kana, ipataas ang imong kamot. Bueno, mora'g dili gani siya ingon-ana, dili ba, mga igsoon? Mora'g dili ingon-ana siya, pero mao kana ang iyang sakit. Dugay-dugay na siya nga ingon niana. Nga naghunahuna og ayo sa usa ka butang nga wala pa gani mahitabo, ug uban pa.

Tinuod kana. Ingon niana na gyud ka, gihimo ka nga ingon niana, nerbiyoso; ginahunahuna na niya kanunay nga adunay butang nga mahitabo, pero dili gud. Usahay ginasultihan ka sa yawa, “Wala Kana’y pulos, nag-backslide man ka, nalabang mo na ang utlanan.” Dili ko ginabasa ang imong hunahuna, pero ginabasa ko kung unsay . . . nasayod ko sa mga ginasulti sa yawa kanimo, tungod kay nakita nako kung unsa ang nagasantop sa imong hunahuna.

<sup>154</sup> Naila, ni Jesus kaniadto ang ilang mga hunahuna. Husto ba? Bueno, ingon-ana mismo ang nagakahitabo karon. Husto ba? Ania, sultihan ta ka og usa ka butang, aron mahibalo ka. Sa tinuod lang nagatindog ka dinhi para sa usa pa ka tawo. Tinuod kana. Mao kana mismo, nakita mo, dili mo kana masabtan hangtud karon. Karon, kung ipadayag kanako sa Ginoo kung ngano nga nagatindog ka dinhi, nga para diay sa usa pa ka tawo, motoo ka ba kanako nga Iyang propeta? Para kini sa imong inahan. Nagatoo ka ba nga masulti kanako sa Dios kung unsay iyang sakit? Bueno, aduna siya’y sakit sa kasingkasing, taas nga presyon sa dugo, adunay bato sa apdo, og mga komplikasyon. Husto kana, dili ba? Kita n’yo? Karon, ang Balaang Espiritu kana, dili ba?

<sup>155</sup> Karon, adunay butang nga ania kanako ug sa niining mga kaigsoonan. Kita n’yo? Adunay butang nga ania mismo karon, ang Balaang Espiritu. Karon, tumoo ka; kamo, samtang nagaagi kami sa linya.

Iduko natong tanan ang atong mga ulo samtang magaampo kita para niini nga mga tawo.

<sup>156</sup> Karon, Langitnong Amahan, among pandongan og mga kamot kining mga tawo. Ug nagaampo ako para kanila karon. Ania ang Imong harianong mga alagad nga nagatindog dinhi, ug kaming tanan magapandong og mga kamot diha sa mga may sakit, tungod kay gisulti Mo man nga buhaton kini. Buhaton namo kini sa Ngalan ni Jesus Cristo. Hinaut nga ang mga tawo dili nga basta na lang paagihon dinhi, kondili nga sa pag-agi nila mamaayo gayud unta sila pinaagi sa Ngalan ni Jesus Cristo. Amen!

<sup>157</sup> Panalanginan ka sa Ginoo. Karon dumool ka.

Sa Ngalan ni Ginoong Jesus, ayoha . . . Sa Ngalan ni Ginoong Jesus, ayoha ang igsoon kong lalaki. Sa Ngalan ni Ginoong Jesus, ayoha ang igsoon kong babaye.

<sup>158</sup> Karon kadali—kadali lang! Kita n’yo! Igsoong lalaki ug igsoong babaye, ngano man nga nangalipay kamo sa diha nga kadtong babaye, sa diha nga nahitabo ang pagpang-ila, ug sa diha nga nangduol na dinhi ang uban wala na ma’y nahitabo? Sa nagaagi ang mga tawo, “Bueno, kung dili ako, makadawat og pagpang-ila, bueno, kung ingon-ana wala gyud ako’y makuha.”

Wala kana’y unsa man nga kahilambigitan niana, ania man Siya sa gihapon. Kita n’yo?

<sup>159</sup> Sa pag-agi ninyo dinhi, dumool kamo nga ginapataas ang inyong mga kamot, og moingon, “Salamat Kanimo, Ginoong Jesus. Ginadawat ko Ikaw ingon nga akong Mananambal, ug mohawa ko dinhi nga nadawat na kini. Usa sa niining mga kalalakin-an ang magabautismo kanako, molusbog ako mismo sa bautismohanang ug magpabautismo, ug mohaw-as nga nasayod nga gisaad Mo nga madawat ko ang Espiritu Santo.”

<sup>160</sup> Kita n’yo, kini. . . Ania sa gihapon ang pagpang-ila. Ania sa gihapon kini, maingon gayud sa. . . Ania, kinsa man kini? Kini nga lalaki dinhi? Usa ako ka estranyo kanimo. Di ba, sir? Wala ako makaila kanimo. Mahimo. . . kung isulti sa ako sa Dios kung unsa’y imong problema, motoo ka ba kanako nga Iyang propeta, Iyang alagad? Motoo ka ba sa tibuok mong kasingkasing? Sige, sir. Salamat, sir. Kana’y maayo kaayo nga espiritu, maayo gayud. Bisan pa man, nagatindog ka dinhi para sa usa pa ka tawo. Husto kana. “Ang imong apo kini, nga adunay polio, nahulog siya niadtong miaging adlaw ug nabali ang bitiiis niini,” kana’y MAO KINI ANG GINAINGON SA GINOO! Husto ba? Husto kana! Lakaw na ug tumoo ka karon, ug mamaayo gyud siya.

<sup>161</sup> Karon, dumool kamo nga nagatoo, ang matag usa, duol lang mo. [Ang linya sa pagpaampo midugay og tres minutos ug traynta’y-otso segundo, daghan sa mga pulong ni Igsoong Branham ang dili na halos maklaro—Ed.] . . . ? . . .

Blest be the tie that binds  
Our hearts in Christian love;  
The fellowship of kindred mind  
Is like to that Above.

Here before our Father’s Throne,  
We pour our ardent prayer;  
Our fears, our hopes, our aims are one,  
Our comforts and our care.

<sup>162</sup> Nagatindog kita sa atubangan, sa mga anak sa Dios, nga bakul, buta, og baldado. Mga ministro sa Ebanghelyo, nasayod kamo nga wala kita’y gahum para moayo. Apan ang atong Gamhanan nga Ginoong Jesus Cristo nagapadala niining mga ilhanan, ug ginakondena ang yawa nga naggapus kaninyo. Ginakondena nato ang yawa. . . ? . . . Ginakondena nato ang pagkabuta. . . ? . . .

<sup>163</sup> Sa Ngalan ni Jesus Cristo nga Anak sa Dios, among ginapangamuyo nga hatagan sila sa Dios og pagtoo aron toohan nga ang pag-ampo nga inubana’g pagtoo nagaayo sa masakiton, ug pagabangonon sila sa Dios, ug mamaayo sila pag-usab. Itugot kini, Dios nga Makagagahum-sa-tanan, pinaagi sa Ngalan ni Jesus Cristo.

164 Karon, mga igsoon adto sa mo didto . . . ? . . .

165 Ang tanang uban pa kaninyo mag-ampo karon, samtang kami . . . ang mga ministro nagaampo para kanila, usab, karon. Mag-ampo kita, magpandong og mga kamot.

166 Langitnong Amahan . . .

Kaninyo dinha sa mga mananambong nga wala nakaapil sa linya sa pagpaampo, ipandong n'yo ang inyong mga kamot nganha sa usa'g usa karon. Ipandong n'yo ang inyong mga kamot nganha sa usa'g usa.

167 Langitnon namong Amahan, among ginadala Kanimo kining mga mananambong samtang taposon na namo kini nga panerbisyo ug kining dakung buluhaton ilalum sa bandila ni Jesus Cristo, ang gamhanang dinihogan nga Labaw'ng Sacerdote sa Dios, si Emmanuel, nga mibangon, nabanhaw gikan sa mga patay, nga buhi sa walay katapusan aron sa pagpangaliya; ang Iyang mahimayaong Presensiya ania uban kanamo karon, ang Iyang balaang Gahum ania kanamo aron himoon kami nga makakita og mga panan-awon, magapropesiya, magapandong og mga kamot nganha sa mga may sakit. Ang walay-pagkapakyas nga Pulong sa Dios dili mahimong mobalik nga walay-kapuslanan ngadto Kaniya. Ginakondena ko ang matag yawa sa sakit, ang matag gahum sa sala, ang matag dili-pagtoo, sa Ngala ni Jesus Cristo, hinaut nga mobiya na kini gikan sa mga tawo ug hinaut nga mamaayo na sila.

168 Panalangini kining mga igsoong ministro, Ginoo, samtang nanagkatigum sila nga usa ra ang kasingkasing ug nagakahiusa, ug ang tanang miyembro sa iglesia. Oh Dios nga Makagagahum-sa-tanan, sa niining halapad nga Middletown, Ohio, magpadala Ka og usa ka rebaybal human niini, Ginoo, nga magakaylap gikan sa usa ka bahin ngadto sa usa ka bahin, usa ka pagkatigum sa mga bukog, Ginoo, ug mga ugat sa panit. Ug hinaut nga ang gahum sa Dios magpatungha og usa ka gamhanang nahiusa nga iglesia dinhi niini nga siyudad nga magakaylap, usa ka ehemplo nga iglesia, sa tibuok nasud, aron ang mga tawo manganhi niini nga siyudad para makasaksi og gahum sa Dios. Itugot kini, Ginoo. Ayoha ang mga may sakit ug mga nagaantus, luwasa ang mga nahisalaag, ug angkona ang himaya alang sa Imong Kaugalington.

169 Itugot kini, nga ang tanan niini nga mga panyo ug gagmay'ng mga panapton nga napahimutang dinhi . . . Ginaampo ko, Ginoo, nga pagadihogan kami sa Balaang Espiritu nga nagakunsad kanamo, ug dinhi niining bilding, hinaut nga ang matag usa kanila mamaayo gayud. Nahisulat sa Biblia nga kaniadto nga ang Israel atua sa ilang dalan sa pangatungdanan, sa ilang pagpadulong ngadto sa yutang saad, nga ang Dagat nga Mapula mibabag sa agianan. Ug miingon ang usa sa mga magsusulat, "Midungaw ang Dios pinaagi niadtong Haligi nga Kalayo ug



nahadlok ang Dagat nga Mapula ug natunga, ug padayon nga nagpanaw ang Israel padulong sa yutang saad nga gikasaad.”

<sup>170</sup> Ug karon, anaa kini mismo sa Biblia, nahisulat kini, “Gipanghinaut ko labaw sa tanang mga butang nga magmauswagon kamo diha sa maayong panglawas.” Ug sa diha nga modangat na kini nga mga panyo ngadto sa mga tawo, diin may gibabag si Satanas nga Dagat nga Mapula sa ilang atubangan, hinaut nga modungaw ang Dios pinaagi sa Dugo sa kaugalingon Niyang Anak, nga si Jesus Cristo, ug kondenahon ang matag sakit niadtong mga dili makaanhi dinhi; ug hinaut nga mopahilayo ang sakit ug mahadlok sa Pulong sa Dios ug sa saad sa Dios ug sa pagdihog sa Dios, ug hinaut nga makalabang ang mga tawo paingon sa maayong saad nga maayong panglawas ug kusog. Itugot kini, Ginoo. Ug among ginatugyan ang tanan niini nganha Kanimo sa Ngalan sa Imong mahigugmaong Anak, ang among Manluluwas nga si Jesus Cristo. Amen.

<sup>171</sup> Mga mananambong, Kaniya nga nakaila kanatong tanan, Kaniya nga nagbangon kanato aron mahimong Iyang panulondon sa kalibutan, sa Iyang iglesia, hinaut nga ang mga madagayaon nga panalangin sa Dios mamaanaa kaninyong tanan hangtud nga magkita-kita kita pag-usab. Ang atong sunod nga bulohaton, sa nasayran ko, igapahigayon didto sa tabernakulo, sa Dominggo sa buntag, sa buntag sa Dominggo sa Pasko sa Pagkabanhaw. Dayon moadto ako sa . . . sa Illinois gikan didto. Panalanginan kamo, tambong mo sa inyong mga simbahan, tambong mo sa niining maayo nga mga simbahan, hiusaha n’yo ang inyong mga kasingkasing. Pabilin kamo sa Pulong sa Dios! Magkinabuhi alang Kaniya, kay ang mga makalililang nga butang anaa sa inyong unahan, hinumdumi ninyo kana!

<sup>172</sup> Hangtud nga magkita-kita kita, manindog kita ug mag-awit:

I love Him, I love Him  
Because He first loved me  
And purchased my salvation  
On Calvary’s tree.

<sup>173</sup> Karon, nga may pagtahud gayud, pakiglaman kamo sa mga anaa sa inyong luyo, sa inyong atubangan, ug sa isig ka kilid n’yo.

I love Him . . .

Ang tanan karon.

. . . I love Him  
Because He first loved me  
And purchased my salvation  
On Calvary’s tree.

<sup>174</sup> Karon samtang nakataas ang inyong mga kamot ngadto sa Dios, sa ingon ka lanog gayud, ang matag usa kusgi pa ninyo.

I love Him, I love Him  
 Because He first loved me  
 And purchased my salvation  
 On Calvary's tree.

175 Iduko nato ang atong ulo karon.

Till we meet! till we meet!  
 Till we meet at Jesus' feet;

Hinumdumi, daghan kanato ang mahimong dili na  
 magkitaay pag-usab hangtud nianang panahona.

Till we meet! till we meet!  
 God be with you till we meet again!

176 Karon laylayon tà kini. Ania ang inyong pastor. Igsoong  
 Sullivan, hangtud nga magkita-kita kita, igsoon ko. 

61-0319 Jezabel Nga Relihiyon  
National Guard Armory  
Middletown, Ohio U.S.A.

CEBUANO

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)